

69
42
10

公羊傳
十三
十五

全十冊

春秋左傳卷第十三

起元年
盡九年

漢何休

學

文公

元年春王正月公即位

二月癸亥朔日有食之

是後楚世子商臣弒其君楚

滅江六狄北侵中國

是後至其君。解云即下

臣殺其君是也。

楚滅江六。解云即下四年

秋楚人滅六是也。

秋北侵中國。解云即下四

年夏狄侵齊七年夏狄

侵我西鄙之屬是也。

天王使叔服來會葬禮其言來會葬何禮據奔喪以非

禮書歸舍且昭不言來歸舍本又作哈戶昭反五年經同昭方鳳反奔喪

以非禮書。解云即定十五年夏五月丘中公薨于高解下云邾婁子來奔喪傳云其言來奔喪非禮也是。

歸舍至言來。解云下五年春王正月王使榮叔歸舍且昭是也會葬禮也但解會

葬者明言來者常文不為早晚施也常事書者文公

不肖諸侯莫肯會之故書天子之厚以起諸侯之薄

蓋以長補短也叔服者王子虎也服者字也叔者長

幼稱也不繫王者不以親疏錄也不稱王子者時天

子諸侯不務求尊而貴親親故尤其在位子弟刻

其早任以權也魯得言公子者方錄異辭故獨不

弟也諸侯得言子弟者一國失賢輕不為于偽反下

反稱也但解至施也。解云在隱元年也。常

尺謚反事書者。解云僖公之卒在去年十二月至

今年四月葬之是為五月而葬叔服來會附在葬前適

得其所故謂之常事常事不書今書之故須注解。

文公至會之。解云正以下七年秋八月公會諸侯晉

大夫盟于扈傳云諸侯何以不序大夫何以不名公失

序也公失序奈何諸侯不可使與公盟眖管大夫使與

公盟也注云文公為諸侯所薄賤不見序故深諱為不

可知之辭是其不肖諸侯莫肯會之之義也。故書

至之薄。解云言天子恩厚於文公而經書其會葬起

諸侯之薄無恩於文公故經不書矣而襄三十一年冬

十月滕子來會葬亦是常事而書之者亦起當時更無

人會故彼注云此書者與叔服同義是也。蓋以長

補短也。解云謂書天子得禮欲以補諸侯之短令其

非禮見矣其非禮者不相會葬是也。**○**叔服至稱也。**○**解云知叔服為王子虎者正以下三年夏五月王子虎卒傳云王子虎者何天子之大夫也外大夫不卒此何以卒新使乎我也注云王子虎即叔服也親為王者使來會葬在葬後三年中卒君子恩降於親親則加葬之故卒明當有恩禮也是也。**○**不繫至錄也。**○**解云若繫王宜云王使王服子來會葬以若宣十五年王札子矣今不如此者春秋主見天子之厚使來會葬而已何須錄其使人之親疏乎是以不言王服子矣宣十五年王札子殺召伯毛伯傳云王札子者何長庶之號注云子者王子也天子不言子弟故變文上札繫先王以明之是其類也。**○**不稱至權也。**○**解云言尤其在位子弟則知聘使與會盟之時不得稱子弟若其卒與奔得稱之何者卒與出奔不復在位何須刺其早任以權乎即下二年夏五月王子虎卒襄三十年夏王子虎奔晉之獨是也。**○**魯得至弟也。**○**解云魯君在位公子得言之者即桓五年公子翬如齊逆女莊二年公伐於餘丘之屬是也言方錄與辭者謂上與公

下不言弟也者謂充其位之義故曰方錄與辭也。**○**不始有之即宣十七年冬公弟叔肸卒之屬是也。**○**諸侯至賢輕。**○**解云諸侯在位公子得見經者即宣二年春及鄭公子歸生以在位公子得見經者即侯在位之弟得見經者即隱七年夏齊侯使其弟年來聘桓十四年夏鄭伯使其弟語來盟之屬是也。國失賢輕者雖是不務求其賢而專貴親親要其一國失賢其罪輕故也。

夏四月丁巳葬我君僖公

天王使毛伯來錫公命錫者何賜也命者何加我服也

也復發傳者嫌禮與相公同死生異也主書者惡

天子也古者三載考績三考黜陟幽明文公新即位

功未足施而錫之非禮也。錫思歷反復扶

解云明始即位未有功美天子加錫異於常典故執

不知問。復發至禮也。解云莊元年王使榮叔

來錫桓公命傳云錫者何賜也注云上與下之辭傳

又云命者何加我服也注云增加其衣服令有異

諸侯然則若不重發即嫌悉與相公同故復言之

有異矣彼是贈死之衣此是朝祭之服故言死生異

也云云之說在莊元年

晉侯伐衛

叔孫得臣如京師注書者與莊二十五年同知不為喪

聘書者聘為貢職天子當得異方之物以事宗廟又

欲以知君父無恙不以喪廢故不譏也如他國就

二年一譏而已。亮反。恙餘。莊二十五年冬公子友如

陳注云如陳者聘也。內朝聘言如者尊內也。書者

錄內所交接也。今此亦然。故曰同也。如他至而

已。解云如他國所以合譏者正以聘是吉禮又非

君父之國於喪宜廢故也。言就三年一譏而已者

即下二年冬公子遂如齊納幣傳云納幣不書此何

以書譏何譏爾譏喪娶也娶在三年之外則何譏乎

喪娶三年之內不圖婚是也言就其

行人伐晉

秋公孫敖會晉侯于戚

冬十月丁未楚世子商臣弑其君髡注楚無大夫言世

子者甚惡世子弑父之禍也不言其父言其君者君

之於世子有父之親有君之尊言世子者所以明有父之親言君者所以明有君之尊又責臣子當討賊

也日者夷狄子弑父忍言其日左氏作類**疏**無至楚

賊也。解云下九年冬楚子使椒來聘傳云椒者何

楚大夫也楚無大夫此何以書始有大夫也始有大夫

夫則何以不氏許夷狄者不一而足也然則至下九年

年楚始有大夫則知此處未有大夫矣既無大夫其

世子亦未當見故解之。**注**日者至其日。解云如

此注者正決襄三十年夏四月蔡世子般弑其君固

何氏云不日者深為中國隱痛有子弑父之禍故不忍言其口是也

公孫敖如齊**注**書者譏喪娶古凶不相干

二年春王二月甲子晉侯及左師戰于彭衙秦師敗

釋夫不師者愆其眾惡其將前以不用賢者之言匹

馬隻輪無反者今復重師敗績師敵君不正者賤之

不嫌得敵君衙音牙本或作牙惡鳥路反將子匠

疏稱秦至其將。解云正以秦于是時未有大夫

。解云在僖三十三年矣。**注**師敵至敵君。解云

僖二十八年夏晉侯以下及楚人戰于城濮傳云此

丁丑作僖公主**傳**作僖公主者何為僖公作主也**注**為

僖公廟作主也主狀正方穿中央達四方天子長尺

二寸諸侯長一尺。蓋為以為下欲為同 **疏** 作僖公

。解云發言是禮書而譏之欲言非禮禮有作主之

事故執不知問。**注** 為僖公作主也。解云為于僖

反。**注** 主狀至一尺。解云皆孝經說文也。卿大夫

夫以下正禮無主故不言之云云之說備在左氏

者曷用虞至用桑 **注** 禮平明而葬日中而反虞以陽

求陰謂之虞者親喪以下曠皇皇無所親求而虞事

之虞猶安神也用桑者取其名與其麤犝所以副孝

子之心禮虞祭天子九諸侯七卿大夫五士三其奠

處猶吉祭。麤苦冕反又音曠 **注** 禮平至反虞。

虞記也言以陽求陰者謂以日中求神是也而鄭

七虞記云朝葬而日中虞君子舉事必用辰正也

用栗 **注** 謂期年練祭也埋虞主於兩階之間易用栗

也夏后氏以松殷人以柏周人以栗松猶容也栗見

其容貌而事之主人正之意也柏猶迫也親而不遠

主地正之意也栗猶戰栗謹敬貌主天正之意也禮

士虞記曰桑主不文吉主皆刻而諡之蓋為禘祫時

別昭穆也虞主三代同者用意尚麤犝未暇別也

年音基三年同人正音 **注** 謂期至栗也。解云出

征下同別彼列反下同

注

禮記文。

注

夏后以至以栗

○解云出論語而鄭氏注云謂社主正以古文論語
哀公問社於宰我故也今文論語無社字是以何氏
以為廟主耳

用栗者藏主也

○藏于廟室中當所當奉事

也質家藏于堂作僖公主何以書

書譏何譏爾不時也其不時奈何欲久喪而後不能

也禮作練主當以十三月文公亂聖人制欲服喪

三十六月十九月作練主又不能卒竟故以二十五

月也日者重失禮鬼神

○禮記云十三月而練是也

三月乙巳及晉處父盟

此晉陽處父也何以不氏

據晉陽處父伐楚救江

○據晉至救江○解云

伐楚救江是也

諱去氏者使若得其君如

經言邾婁儀父矣不地者起公就於晉也日者起公

盟也俱沒公齊高倭不使若君處父使若君者親就

其國恥不得其君故使若得其君也如晉不書不致

者深諱之

○去起

○諱去至晉也

○解云儀父之

在名字之例者但直書其名字不言其氏即倪黎來

蔡叔邾婁儀父之類是也今此處父無氏故云使若

得其君矣

○日者起公盟也

○解云正以微者盟

例不日故也

○俱沒至君也

○解云高倭之事在

莊二十二年彼經云秋七月丙申及齊高倭盟于防

是也

○如晉至諱之

○解云正決下二年冬公如

晉十有二月己巳公及晉侯盟
四年春公至自晉之文也

夏六月公孫敖會宋公陳侯鄭伯晉士穀盟于垂斂

盟不日者欲其盟誅商臣雖不能誅猶為疾惡故也

襄與信辭也不如平丘兩舉會盟詳錄之者時至即

盟會禮不成。穀戶木反垂斂左氏作垂隴盟于垂斂者左氏作

應書見似若昭四年經書執齊慶封殺之然今無其

經故知不能誅也。昭四年經書執齊慶封殺之然今無其

於平丘是也。十三公會劉子晉侯以下于平丘八月甲戌同盟

自十有二月不雨至于秋七月傳何以書記異也

不言旱大旱以災書此亦旱也曷為以異書大旱之

日短而云災。云言也言有災大旱以災書。解

經書夏大旱傳云何故以災書此不雨之日長而無

災故以異書也。此祿去公室政在公子遂之所致

也不就莊三十一年發傳者此最甚事著。至事著

則彼一時不雨是以不得發傳云不雨之日長此則

最甚事著也。八月丁卯大事于大廟躋僖公

大事者何大禘也。

以言大與有事異又從僖八年禘數之知為大禘大。

廟音太下太祖音同濟僖子兮反升也本又○作齊同禘音洽大祭禘數大帝反下所主反○者何故執不知問○大祭無禘禘之文欲言時祭而經書大者是大祭明矣○又從僖至大禘○解云春秋說文云三年一禘五年一禘爾雅云禘大祭也孫氏云禘五年大祭也然則三年一禘爾雅云禘大祭也案僖八年秋七月禘於太廟從此以後三年一禘數則十一年禘十四年禘十七年禘二十年禘二十三年禘也若作五年一禘數則從僖公八年禘十三年禘十八年禘則文二年非禘年正當合禘故知此年大禘為禘矣是以注云又從僖八年禘數之知為大禘也若然從僖八年禘數之則十一年禘數之知為大禘也而下至僖二十三年并為禘禘何得下傳云五年禘再殷祭者蓋為其初時三年作禘五年作禘大判言

之得言五年而再殷祭其間三五參差隨次而下○妨或有同年時乎知非禘與禘相因而數為三年五年者若從僖八年禘十一年禘十六年禘十九年禘數之至僖三十二年禘文公二年禘亦用當但於五年而再殷祭之言○大禘者何合祭也其合祭奈何毀不合故不得然

廟之主陳于太祖○毀廟謂親過高祖毀其廟藏其

主于太祖廟中禮取其廟室策以為死者炊沐太祖

周公之廟陳者就陳列太祖前太祖東鄉昭南鄉穆

北鄉其餘孫從王父父曰昭子曰穆昭取其鄉明穆

取其北面尚敬○策側白反炊沐昌垂反○何太禘者

云正以禘小于禘而文加大故執不知未毀廟之主問○因禮取至炊沐○解云出禮記文

皆升合食于太祖

註

自外來曰升五年而再殷祭

殷盛也謂三年祫五年禘禘所以異於祫者功臣皆

祭也祫猶合也禘猶諦也審諦無所遺失禮天子特

禘特祫諸侯禘則不祫祫則不嘗大夫有賜於君然

後祫其高祖

禘音帝

註

禘所以至皆祭也。解

禮天至特祫。解云禮記及春秋說文即不主禘

祫是也。諸侯至不嘗。解云即禮記王制所云

夫至高祖。解云正以於禮不緝也

註

何言乎升僖公

註

據禘于大廟不道所升

先君昭穆自有常次今而言躋故執不知問。因據

禘至所升。解云即僖八年秋七月禘于大廟

夫人譏何譏爾逆祀也其逆祀余何先禘而後禘

註升謂西上禮昭穆指父子近取法春秋惠公與莊

公當同南面西上隱桓與閔僖亦當同北面西上繼

閔者在下文公緣僖公於閔公為庶兄置僖公於閔

公上失先後之義故譏之傳曰後祖者僖公以臣繼

閔公猶子繼父故閔公於文公亦猶祖也自先君言

之隱桓及閔僖各當為兄弟顯有貴賤耳自繼代言

之有父子君臣之道此恩義逆順各有所施也不言

吉祫者就不三年不復譏略為下張本

禮反

註

禘乃

言至張本。解云閔二年夏五月乙酉吉禘于莊公傳云其言吉何言吉者未可以吉也曷為未可以吉未三年也然則吉禘于莊公在三年之內今此大事亦在三年之內是不須更言吉禘以譏之但略言大事于太廟為下躋

信公張本而已
冬晉人宋人陳人鄭人伐秦

公子遂如齊納幣傳納幣不書此何以書譏何譏爾譏

喪娶也娶在三年之外則何譏乎喪娶傳據逆在四

年。喪娶亡住反納幣不書。解云正以桓三年本亦作取同疏納幣不書。解云正以桓三年

故難三年之內不圖婚傳信公以十二月薨至此未

滿二十五日又禮先納采問名納吉乃納幣此四者

皆在三年之內故云爾吉禘于莊公譏然則曷為不

於祭焉譏傳據吉禘于莊公譏始不三年大事圖婚

俱不三年大事猶從吉禘不復譏三年之恩疾矣傳

疾痛非虛加之也傳非虛加責之以人心為皆有之

傳以人心為皆有疾痛不忍娶以人心為皆有之則

曷為獨於娶焉譏傳據孝子疾痛吉事皆不當為非

獨娶也娶者大吉也傳合二姓之好傳之於無窮故

為大吉傳好呼報反非常吉也傳與大事異其為吉

者主於已傳主於己身不如祭祀尚有念先人之心

以為有人心焉者則宜於此焉變矣。變者變慟哭

泣也。有人心念親者聞有欲為已圖婚則當變慟哭

泣矣。况乃至於納幣成婚哉。慟杜貢反

三年春王正月叔孫得臣會晉人宋人陳人衛人鄭人

伐沈沈潰。伐沈音審國名潰戶內反

夏五月王子虎卒。王子虎者何天子之大夫也。外大

夫不卒此何以卒。据原仲也。王子虎者何。解

書卒欲言諸侯而經書王子故執不知問。据原

仲也。解云即莊二十七年秋公子友如陳葬原仲

是。新使乎我也。王子虎即叔服也。新為王者使來

會葬在葬後三年中卒君子恩隆於親親則加報之

故卒明當有恩禮也。尹氏卒日此不日者在期外也

名者卒從正。新使尹氏至外也。解云隱三

云外大夫不卒此何以卒。天王崩諸侯之主也。何氏

云時天王崩魯隱往奔喪。尹氏主饋。贊諸侯與隱交

接而卒。恩隆於王者則加禮。錄之故為隱恩痛之日

者。恩錄之明當有恩禮。然則彼天王崩尹氏四月卒

仍在期內。其恩近。故書日。此則已經三年。其恩殺故

不日。是以注云在期外。名者卒從正。解云隱

八年夏六月巳亥蔡侯考父卒。八月葬蔡宣公。傳云

卒從正。何氏云卒當赴告天子。君前臣名。故從君臣

之正義言也。傳云而葬從主人。何氏云至葬者有常

月可知。不赴告天子。故自從蔡臣子辭。解云然則此

亦從君臣之正義言之。故云名者卒從正也。

秦人伐晉

秋楚人圍江

雨蝨于宋傳雨蝨者何死而墜也以先言雨也墜隋

地也不言如雨言雨蝨者本飛從地上而下至地似

雨充醇而墜直類反注同隋大果反上特掌反醇音

純雨蝨者何。解云欲言是雨而特施于蝨欲言

也。解云正以先言雨後言蝨則知死而墜者也。

從天來又不及地如雨不醇故云如雨此則初何以

書記異也外異不書此何以書為王者之後記異也

蝨猶衆也衆死而墜者羣臣將爭疆相殘賊之象

是後大臣比爭鬪相殺司城驚逃于哀奔亡國家節

然無人朝廷久空蓋由三世內娶貴近妃族禍自上

下故異之云爾為王于偽反

人殺其大夫八年冬宋人殺其大夫是也。

驚逃。解云即八年冬宋司城來奔是也。

奔亡。解云十四年秋宋于哀來奔是也。

三世內娶。解云僖二十五年及十七年傳皆云宋

冬公如晉十有二月己巳公及晉侯盟
晉陽處父帥帥伐楚救江此伐楚也其言救江何

據兩之當先言救也非兩之當重出處父也生事當

言遂三者皆違例知後言救江起伐楚意故問之重。

直用 **○** 據兩至救也。解云即僖二十五年秋楚

反 **○** 人圍陳納頓于頓傳云何以不言遂兩之

也是也必知先言救者正以其江近楚遠故也。

非兩至父也。解云即僖二十八年春晉侯侵曹晉

侯伐衛傳云曷為再言晉侯非兩之也是也。

事當言遂。解云即宣元年秋楚子鄭人侵陳遂侵

宋是 **○** 為護也 **○** 護詐元反 **○** 其為護奈何伐楚為救

江也 **○** 救入之道當指其所之實欲救江而反伐楚

以為其勢必當引圍江兵當還自救也故云爾孔子

曰自古皆有死民無信不立

夏逆婦姜于齊 **○** 其謂之逆婦姜于齊何 **○** 據不書逆

者主名不言如齊不稱女 **○** 夏逆歸姜于齊。解云

月重錄之今此書時者蓋以娶于大夫賤不可以奉

宗廟故略之。 **○** 據不至稱女。解云決宣元年公

子遂如齊逆 **○** 略之也 **○** 稱婦姜至文也逆與至共文

女之經也 **○** 稱婦至為畧。解云欲道遂以夫人婦

故為略 **○** 姜至自齊之經還至始言婦姜今此始逆

已言婦姜故云 **○** 高子曰娶乎大夫者略之也 **○** 賤非

逆與至共文耳 **○** 高子曰娶乎大夫者略之也 **○** 賤非

所以奉宗廟故略之不書逆者主名卑不為錄使也

不言如齊者大夫無國也不稱女者方以婦姜見與

至共文重至也不稱夫人為致文者賤不可奉宗廟
也不言氏者本當稱女女者父母辭君子不奪人之

親故使從父母辭不言氏○為干偽反使所
○言氏。解云莊二十七年秋公子友如陳葬原仲索

彼亦是大夫無國而得言如陳者何氏云不言如陳

嫌不辟國事實

狄侵齊

秋楚人滅江

晉侯伐秦

晉侯使甯俞來聘。甯俞乃定
○甯俞乃定
○甯俞乃定

賈氏云公羊曰甯速是也

冬十有一月壬寅夫人風氏薨

五年春王正月王使榮叔歸舍且賜德舍者何口實也

註 孝子所以實親口也緣生以事死不忍虛其口天

子以珠諸侯以玉大夫以碧士以貝春秋之制也文

家加飯以稻米○飯扶
○晚反

書舍故執不知問
○天子至以貝
○解云皆春秋

說文故云春秋之制也
○因文家加飯以稻米
○解

云卽禮記檀弓下篇云
其言歸舍且賜何
○據宰啜

歸兩賜不言且也連賜何之者嫌括賜言歸
○阮元

疏 據宰至且也。○**解**云即隱元年秋七月天子使宰桓來歸惠公仲子之賜是也。○**因**連賜至言歸

也。○**解**云若傳直言其言且何即兼責之兼之非禮也。○**且**兼辭以言且知幾兼之也。○**含**言歸者時主持

含來也。去天者含者臣子職以至尊行至卑事失尊

之義也不從含晚言來者本不當含也。主書者從含

也。○**反**下同。○**疏**合者臣子職。○**解**云正以大宰掌

以含者殯前之禮遙始行之故知晚然則宜言來以

見晚而不言來者正以本不當含寧得責其晚乎。○

因主書至含也。○**解**云言春秋主書此事者正欲譏其含而并言且贈者因譏之

三月辛亥葬我小君成風。○**傳**成風者何僖公之母也。○

疏 任宿顯史之姓。○**音**專下音榆。○**疏**成風

言其妾經書小君欲言夫人不同夫謚故執不知問

○**因**風氏至之姓。○**解**云風氏謂此成風即上文風

氏薨者矣。知任宿等之姓者左傳文

王使召伯來會葬。○**注**天者不及事刺比失喪禮也

夏公孫敖如晉

秦人入都。○**音**弱

秋楚人滅六

冬十月甲申許男業卒

疏 楚人滅六。○**解**云不月者

十六年。○**許**男業卒。○**解**云正本作辛字

六年春葬許僖公

夏季孫行父如陳

秋季孫行父如晉

八月乙亥晉侯謹卒

○謹好

冬十月公子遂如晉葬平襄公

書遂者刺公生時數

如晉葬不自行非禮也禮諸侯薨使大夫弔自會葬

○數所 晉者即上二年三月乙巳及晉處父盟彼

下注云如晉不書不致者深諱之三年冬公如晉之

屬是也言葬不自行非禮云云者異義公羊說云襄

二十八年叔弓如宋葬宋共姬

殺其大夫陽處父曰狐射姑出奔狄

陽處父則狐射姑曷為出奔

注 据蔡殺其大夫公子

變蔡公子履出奔楚此非同姓恐見及

又音夜穀梁

作疏 据蔡至見及。解云事在襄二十八年秋彼則

夜疏 履是變之同姓言恐禍及已而出奔此非同姓

而亦奔射姑殺也注 以非恐見及知其殺射姑殺則

故難之射姑殺也注 自上古言泄下曰漏○君

其稱國以殺何君漏言也注 謂

豆反泄也言泄息 其漏言奈何君將使射姑將

列反又以制反 謂

作中軍大夫○姑將子 陽處父諫曰射姑民衆不說

不可使將於是廢將陽處父出射姑入君謂射姑曰

匠反下同

未士忠刊

陽處父言曰射姑民衆不說不可使將射姑怒出刺

陽處父於朝而走註明君漏言殺之當坐殺也易曰

君不密則失臣臣不密則失身幾事不密則害成不

說音悅下同刺七亦疏明君漏言殺之當坐殺也

反又音七賜反疏解云襄公當坐則例去其

葬而上文經書冬十月公子遂如晉葬襄公者蓋謂

葬訖乃相殺不得追去葬是以穀梁傳曰襄公死處

父主竟上之事夜姑使人殺之是也然則此傳雖連

言之仍不妨殺之在葬後是以經書葬在殺前矣

疏易曰君不密至則害成。解云上繫辭文也鄭氏

云幾微也密靜也言不慎于微而以動作則禍變必

成

三月不告月猶朝于廟傳不告月者何不告朔也註禮

諸侯受十二月朔政於天子藏于太祖廟每月朔朝

廟使大夫南面奉天子命君北面而受之比時使有

司先告朔謹之至也受於廟者孝子歸美先君不敢

自專也言朝者緣生以事死親在朝朝莫夕已死不

敢渫鬼神故事必于朔者感月始生而朝秦比必利

秦比必利

反朝朝上如字下疏不告月者何。解云欲言朔日

直遙反渫息列反疏文不言朔欲言非朔刺其不告

故執不知問。注禮諸侯至受之。解云出玉藻但

謂禮法然非謂禮有成文。注此時至告朔。解云

此時者言比至月初之時也。注親在朝朝莫夕。解云

解云據禮有朝玄端夕深衣之文故也而文王世子

云文王之為世子朝於王季曷為不告朔註据具月

日三者蓋謂越禮之高矣

也天無是月也閏月矣何以謂之天無是月非常月也註所在無常故無政也猶者何通可以已也註朝

者因視朔政爾無政而朝故加猶不言朔者閏月無告朔禮也不言公者內事可知疏猶者何。解云欲

欲言是禮而經書猶故執不知問。註不言至可知。解云欲道下十六年夏五月公四不視朔言公矣故解之

七年春公伐邾婁

三月甲戌取須朐傳取邑不日此何以日註据取叢也

具反胸其疏据取叢也。解云考諸舊本叢皆作胸

齊公伐邾婁取叢文承日月之下而將取邑不日據之非其義也且案彼叢字多作鄒字耳。內辭

也使若他人然註使若公春伐邾婁而去他人自以

甲戌日取之內再取邑然後甚而日也今此一取而日故使若他人然所以深諱者扈之盟不見序并爲

取邑故疏并爲于偽疏內再至日也。解云即隱

取防傳云取邑不日此何以日一月而再取也何言

乎一月而再取甚之也是也若然哀二午春王二月

季孫斯叔孫州仇仲孫何忌帥帥伐邾婁取鄒東田及沂西田亦是再取邑而不日者隱公之時新王始起當先自正而比取人邑小惡之甚者書日以甚之至定哀之時久致太平內之小惡亦諱而不書是以

不書其日矣所以不全諱之者如彼注云。○今此至人然。○解云舊本故下有知字。○注扈之至邑故在。○解云扈之盟在下文秋八月。

遂城部

註主書者甚其生事困極師衆。

音吾部

夏四月宋公王臣卒

註不書葬者坐殺大夫也不日者

內娶略

註不書至夫也。○解云正以僖二十四年

夫而不書葬明其坐此故也。○**註**不日至娶略。○解云正決僖九年春王三月丁丑宋公禦說卒書丁丑

故也

宋人殺其大夫

傳何以不名

註据宋殺其大夫山名

注据宋至山名。○解云即成十五年秋宋殺其大夫山是也。

宋三世無大夫

夫三世內娶也注云三世謂慈父王臣處白也內娶大夫女也言無大夫者禮不臣妻之父母國內皆臣

無娶道故絕去其大夫名正其義也是也然則彼已

有傳今復發之者恐大夫不書名更有作義故明之

其有作義者即莊二十六年夏曹殺其大夫傳云何以不名衆殺之之類是耳

戊子晉人及秦人戰于今狐

今力

晉先昧以師奔秦

傳此偏戰也何以不言師敗績

註据秦師敗績

左氏晉先昧。○解云左氏穀梁作先蔑。○**註**据秦師敗績。○解云即上二年春王二月甲子晉

侯及秦師戰于彭敵也。○**註**俱無勝負此晉先昧也其

稱人何。○**註**据奔無出文知先昧也貶曷為貶

註据新

築之戰衛孫良夫敗績不貶疏據新築至不貶

孫良夫帥師及齊師戰于新築衛師敗績是也外也其外奈何以師外也疏解云即成二年夏衛

懷持二心有功欲還無功便持師出奔故於戰貶之起其以師外也本所以懷持二心者其咎亦由晉侯

要以無功當誅也不起者敵而外事可知也九咎其

疏注不起至知也。解云言所以不申作文起見晉侯要無功當誅之義者以其可知故也何以

不言出註據楚囊瓦俱戰而奔言出疏出。據楚至言

定四年冬蔡侯以吳子及楚人戰于柏莒楚師敗績楚囊瓦出奔鄭也以此言之則今狐非晉地伯莒為

楚地亦遂在外也註起其生事成於竟外從竟外去

秋侵我西鄙

秋八月公會諸侯晉大夫盟于扈傳諸侯何以不序大

夫何以不名註序次也據新城盟諸侯序趙盾名

註據新城至盾名。解云即下十四年夏六月公會宋公陳侯以下晉趙盾癸酉同盟于新城是公

失序也公失序奈何諸侯不可使與公盟疏晉大夫

使與公盟也註以目通指曰朕文公內則欲久喪而

後不能喪娶逆祀外則貪利取邑為諸侯所薄賤不

見序故深諱為不可知之辭不日者順諱為善文也

指曰朕音舜本又作朕伊乙反又大結反以目通疏以

目通指曰朕。○解云言其用目朕之而并指向魯若
今時瞬眼矣。○文公至不能。解云即上二年二
月丁丑作僖公。主傳云何以書幾何。○喪娶逆祀。其
不時奈何欲久喪而後不能是也。○喪娶逆祀。其
解云其喪娶即二年冬公子遂如齊納幣。傳云何以
書幾喪娶是也。其逆禮即二年秋大事于大廟。○僖
公傳云何譏爾逆祀也。者是也。而先引喪娶者。正以
納幣之前仍有數禮不妨在。大事之前故見之。○也
外則貪利取邑。○解云即上春公伐邾妻取須胸是
也。○不日。至善文。解云正以日為不信辭故也。

冬徐伐莒。○謂之徐者前共滅王者後不知尊先聖法

度今自先犯文對事連可以起同惡莒在下不得狄
故復狄徐也。一罪再狄者明為莒狄之爾徐先狄在

僖十五年。○復扶。謂之至同惡。解云即僖十

之。不知尊先聖法度者謂祀有禹法度也。○莒在
至徐也。○解云謂莒時被伐例不得出主名是以無
由狄之。○徐先至五年。解云即僖十五年冬楚
人敗徐于蕞。林彼注云謂之徐者為滅祀
不知尊先聖法度惡重故狄之也是也

公孫敖如莒蒞盟

八年春王正月

夏四月

秋八月戊申天王崩

冬十月壬午公子遂會晉趙盾盟于衡雍。○雍於

乙酉公子遂會伊維戎盟于暴。○四日不能再出不卒

名者非一事再見也

維音洛暴步報反本又作曝一音甫沃反見賢遍反

疏

西四日至見也。解云欲道宣元年公子遂如齊三月遂以夫人婦姜至自齊傳云遂何以不稱公子一事而再見者卒名也。注云卒竟也竟但舉名者皆文者言彼是一事再見故得省文與此異也

公孫敖如京師不至復丙戌奔莒

傳不至復者何不至

復者內辭也不可使往也

注安居不肯行故諱使若

已行但不至還爾即已行當道所至乃言復如至黃

矣實到復有不至之稱故執不知問。即已至

黃矣。解云即宣八年夏六月不可使往則其言如

京師何遂公意也正其義不使君命壅塞。

何以不言出據慶父言出奔

疏九月初公子慶父出奔莒是也

遂在外也諱使若從外來不敢復

還者也日者嫌敖罪明則起君弱故諱使若無罪

扶又日者至無罪。解云閔二年九月公子慶父出奔莒彼注云不日者內大夫奔例無罪

者日有罪者月是也故此作注云日者使若無罪矣

內大夫奔例日者襄二十三年冬十月乙亥滅孫也

出奔和妻之壘是也

蠲

先是公如晉公子遂公孫敖比出不可使勢奪於

大夫煩擾之應音終先是至之應。解云公子

公子遂如京師遂如晉傳云大夫無遂事比其言遂

何公不得為政爾注云不從公政令也時見使如京

師而橫生事喬君命聘晉故疾其驕蹇自專當絕之者是

宋人殺其大夫司馬

宋司城來奔司馬者何司城者何皆官舉也皆以

官名舉言之天子有大司徒大司馬大司空皆三公

官名也諸侯有司徒司馬司空皆卿官也宋變司空

為司城者辟先君武公名也司馬者何解云欲

言非大夫而經有大夫之文故執不知問司城者

何解云欲言大夫例不官舉欲言非大夫司城者

宋大夫之號故執不知問宋變至曷為皆官舉

武公名也解云桓六年左氏傳文據宋殺其大夫山不官舉

秋宋三世無大夫三世內娶也宋以內娶故威

下流三世妃黨爭權相殺司城驚逃于哀奔亡主或

不知所任朝廷久空故但舉官起其事也大夫相殺

例皆時來奔是也大夫相殺例皆時解云

正以此經及下九年晉人殺其大夫先都晉人殺其

大夫士穀之屬皆不別書日月故也知彼此是大夫

相殺之經者正以下十六年傳云大夫相殺稱人矣

九年春毛伯來求金毛伯者何天子之大夫也何以

不稱使據南季稱使毛伯者何解云欲言諸當喪未君

也

時王新有三年喪

云即去年八月天王崩是

解

也踰年矣何以謂之未君

據崩在八年踰年當即

位即位矣而未稱王也未稱王何以知其即位以諸

侯之踰年即位亦知天子之踰年即位也俱繼體

其禮不得異以天子三年然後稱王亦知諸侯於其

封內三年稱子也各信恩於其下音申踰年稱公

矣則曷為於其封內二年稱子緣民臣之心不可一

日無君緣終始之義一年不二君故君薨稱子某

既葬稱子明繼體以繫民臣之心踰年稱公云莊二十年

不可曠年無君故踰年稱公緣孝子之

心則三年不忍當也孝子三年志在思慕不忍當

父位故雖即位猶於其封內三年稱子子張曰書云

高宗涼闇三年不言何謂也孔子曰何必高宗古之

人者然君薨百官總已以聽冢宰三年涼音亮又音良闇如字又音

陰毛伯來求金何以書譏何譏爾王者無求求金非

禮也然則是王者與音餘曰非也非王

者則曷為謂之王者王者無求曰是子也雖名為

三年稱子者其實非唯繼父之位繼文王之體守文

王之法度文王之法無求而求故譏之也

引文王

者文王始受命制法度

夫人姜氏如齊

三

奔父母之喪也不言奔喪者尊內猶

不言朝聘也故以致起得禮也書者大夫家危重言

如齊者大夫繫國

疏

正以諸侯夫人尊重既在夫家

終身不反唯三年之喪乃可越竟而奔之今此夫人

如齊直書不諱故知其奔父母之喪也注故以致

起得禮也解云正以春秋之例夫人違禮而出會

者皆不致之唯此一文而書至故莊元年注云有出

道乃致奔喪致是也書者至危重解云欲道

夫人如齊奔父母之喪禮既許之則是常事而書之

者但此夫人所適乃是大夫之家卑于夫人有不

二月叔孫得臣如京師

辛丑葬襄王

傳

王者不書葬此何以書不及時書過時

書

三

重錄失時

疏

王者不至以書解云正以隱三

崩不記葬必其時也故此弟子據而難之不及時

書過時書解云其不及時書者即宣二年十月天

王崩三年正月葬匡王昭二十二年夏四月乙丑天

王崩六月叔鞅如京師葬景王之屬是也以其不及

矣

七月故書之也其過時書者上下無文唯桓十五年三月乙未天王崩至莊三年夏五月葬桓王蓋以當之。**重錄失時。**解云以天下共葬一人而不如禮故重錄之刺其失時矣**我有往者則**

書謂使大夫往也惡文公不自往故書葬以起大

夫會之日者僖公成風之喪襄王比加禮故恩錄之

所以甚責內。**惡烏疏**注者正以昭二十二年六月

叔鞅如京師葬景王之屬不日故也言襄王比加

者即元年叔服來會葬五年榮叔歸舍且贈召伯亦

會葬之屬是也

晉人殺其大夫先都

三月夫人姜氏至自齊**出獨致者得禮故與臣子**

月者婦人危重從始至例**出獨致者臣子喜其**

而致故曰與臣子辭耳。**出**月者至始至例。解云

獨行無制恐有非禮之惡故曰危重也言從始至例

者即宣元年三月遂以夫人婦姜氏至自齊成十四

年九月僑如以夫人婦姜氏至自齊之屬是也

晉人殺其大夫士穀及箕鄭父

楚人伐鄭

公子遂會晉人宋人衛人許人救鄭

夏秋侵齊
秋八月曹伯襄卒
九月癸酉地震**傳**地震者何動地也**注**動者震之故傳

先言動者喻若物之動地以曉人也解地震者何

重本無動性而書何以書記異也天動地靜者常

也地動者象陰為陽行是時魯文公制於公子遂齊

晉失道四方叛德星孛之萌自此而作故下與北斗

之變所感同也不傳天下異者從王內錄可知下孟行

反字音佩星孛至同也解云即十四年秋七月有

者即十四年注云齊晉並爭吳楚更謀競行天子之

事齊宋莒魯弑其君而立之應是也不傳至可

知解云僖十四年秋八月辛卯沙鹿崩傳云何以

書記異也外異不書此何以書為天下記異也今此

地震為內錄之內為新王天下明矣故言不傳天下異者從王內錄可知

夏以外夷狄也屈完于玉得臣者以起霸事此其正

也聘而與大夫者本大國椒子遙反一本作

何解云欲言大夫不言其氏欲言微者書名見經

故執不知問文至升平解云知文公為所

聞之世者春秋說云文宣成襄所聞之世是也言見

治升平者升進也欲見其治稍稍上進而至于平也

如會晉士燮以下會吳于鍾離傳云曷為殊會吳外

夷狄是也春秋內其國而外諸夏內諸夏而外

完來盟于師盟于召陵傳曰屈完者何楚大夫也何

以不稱使尊屈完也曷為尊屈完以當桓公也何氏

云增倍使若得其君以醇霸德成王事也是也其子
玉得臣者即僖二十八年夏楚殺其大夫得臣何氏
云楚無大夫其言大夫者欲起上楚人本當言子玉
得臣所以詳錄霸事是也然則彼二人皆是傳聞之
世未合書之而書之者欲起齊桓晉文霸事故也。
此其正至六國。解云等是夷狄而舒越之屬皆
無大夫而楚得有大夫者正以本是始有大夫則何
大國故入所聞之世於是見法矣

以不氏○据屈完氏許夷狄者不一而足也○許與

也足其氏則當純以中國禮貴之嫌夷狄質薄不可
卒備故且以漸○卒七○忽反

秦人來歸僖公成風之祿○其言僖公成風何兼之兼

之非禮也○禮主于敬當各使一使所以別尊卑

所喪反別彼列反下同○解云欲言非禮禮有禮

欲言是禮而二人并致故執不知問曷為不言及成風○据及者列公

夫人尊卑文也連成風者但問尊卑體當絕非欲上

成風使及僖公○上時掌○据及至卑文也○解

夫人姜氏會齊○成風尊也○不可使卑及尊也母尊

序在下者明婦人有三從之義少繫父既嫁繫夫夫

死繫子○少詩○召反

葬曹共公○音恭

春秋公羊註疏文公卷第十三

夫人尊卑女也動如風者山間尊卑豈當辨非然上

言言是斷也二八言不言及如風謂言及者此公

公羊註疏文公卷第十四

盡十八年

漢 何休 學

十年春王三月辛卯臧孫辰卒

夏秦伐晉謂之秦者起令狐之戰敵均不敗晉先昧

以師奔秦可以足矣而猶不知止故夷狄之

楚殺其大夫宣申

自正月不雨至于秋七月公于遂之所招

及蘇子盟于女栗女音汝本亦作汝

冬狄侵宋

楚子蔡侯次于屈貉

魯恐故書刺微弱也。屈貉居

厥下音麥又戶各反二傳作厥貉

十有一年春楚子伐圈

圈求阮反一音卷說文作圈字林曰萬反二傳作麋

夏叔彭生會晉卻缺于承匡

秋曹伯來朝

公子遂如宋

狄侵齊

冬十月甲午叔孫得臣敗狄于鹹

夷狄不能偏戰故問也

音咸。咸，以日至問也。春秋之例，偏戰今而書日，故執不知問。

戰日詐戰月夷狄不能偏戰。今而書日，故執不知問。長狄也。蓋長百尺。

年有長人十二見於臨洮。身長百尺，皆夷狄服天。誠若曰：勿大為夷狄行，將滅其國。始皇不知反，喜是時。

初併六國以為瑞，乃收天下兵器鑄作銅人十二象。之是也。其文穀梁左氏與兄弟三人。言相類如兄弟。

此長短不同者不可強合。兄弟三人。言相類如兄弟。一者之齊。

弟。言相類如兄弟。一者之齊。一者之魯。一者之晉。不書者外異也。

一者之魯。一者之晉。不書者外異也。外異也。解云：案上文狄侵齊而云不書者，蓋以為侵齊之狄非此等也。

其之齊者王子成父殺之。其之魯者叔孫得臣殺之。經言敗殺不明故。

殺之。其之魯者叔孫得臣殺之。經言敗殺不明故。

復云爾。復扶則未。知其之晉者也。其言敗何。據

敗者內戰文非殺一人也。疏。敗者至人也。解云。王於諸侯無敵之義。但當言戰戰則是內敗之文。言

敗某師則是內戰之文。今敵其一人而言敗狄于城

作內戰之大之也。疏。長狄之三國皆欲為君。長大非

經故難之。一人所能討興師動眾然後殺之。如大戰故就其事

言敗。疏。長狄至為君。解云。正以各之一國故也。

十二見於。其日何。疏。據日而言敗與公子友敗莒師

臨洸是也。于犂同非殺一人文。又力兮反。疏。據日至人文

于犂同非殺一人文。又力兮反。疏。據日至人文。年冬十月壬午公子友帥師敗莒師于犂獲莒挈

季子待之以偏戰是也。大之也。疏。如結日大戰

何大之也。疏。如大戰故地。何以書。記異也。魯成就

周道之封齊晉霸尊周室之後長狄之操無羽翮之

助別之三國皆欲為君此象周室衰禮義廢大入無

輔佐有夷狄行事以三成不可苟指一故自宣成以

往弒君二十八亡國四十。孟。行下。魯成就周

以周公相成王而致太平意封于魯故云爾。解云。正

晉至之後。解云。正以晉文齊相皆率諸侯尊事天

子此是齊晉之君子孫故云爾。長狄至之助。解云。即長狄

亦三國共成其異是也。言不可苟指一者明知其異

案今春秋之經自宣成以下訖于哀十四年止有弑

君二十是衍字亡國二十四則知此注誤也宜云弑君二十

也八是衍字亡國二十四則知此注誤也宜云弑君二十

二即宣二年趙盾弑其君夷律四年歸生弑其君

夷十年夏徵舒弑其君平國襄二十五年歸生弑其君

君光吳子謁伐楚門于巢卒為巢人所弑二十六年

衛甯喜弑其君剽二十九閻弑吳子餘祭三十

蔡世子般弑其君固三十一年閻弑吳子餘祭三十

八年陳招殺偃師十一年楚子虔誘蔡侯般殺之十

三年公子比殺其君虔棄疾殺比十九年許世子止

弑其君買二十三年吳殺胡子髡沈子極二十七年

吳弑其君僚定四年蔡殺沈子嘉十三薛弑其君

比哀六年齊陳乞弑其君舍之屬是也其滅國二十

四者宣八年楚滅舒蔡十二年楚滅蕭十五年晉滅

潞氏十六年滅甲氏及留吁成十七年楚滅舒庸襄

六年莒人滅鄆齊滅萊十年遂滅厲八年楚滅陳十

二十五年楚滅舒鳩昭四年遂滅厲八年楚滅陳十

蔡滅沈六年鄭滅許十四年楚滅頓十五年楚滅胡

哀八年宋滅曹之屬是其二十四也然則三國變異

起自今年而注者所以不言自今以後而言自宣成

以往者蓋以文公之年已過半以後既不得其初故

遺去其實楚人滅庸宋弑處白莒弑庶其之屬皆由

此禍耳或者弑君二十八亡國四十者春秋

秋說文其間亦有經不書者故不同耳

十有二年春王正月盛伯來奔盛伯者何失地之君

也何以不名兄弟辭也與部子同義月者前為魯

所滅今來見歸猶當加意厚遇之盛伯者何。解

見存文欲言大大而經書伯故執不知問。何以不

名。解云桓七年夏殺伯綏鄧侯吾離來朝之下傳

云皆何以名失地之君也是以此處見道失地之君

即責云何以不名然則何氏此處不言據穀鄧名者

正以僖公二十年部子來朝之下已注訖故也。與部子同義。解云即僖二十年部子來朝傳云部子者何失地之君也何以不名兄弟辭也何氏云部魯之同姓故不忍言其絕賤明當尊遇之異於穀也書者喜內見歸是也然則言同義者謂尊遇兄弟異於他姓是以不忍言其名不謂朝奔之文相似。此特書月故須解也言前為魯所滅者即莊八年夏師及齊師圍成降于齊師傳云成者何盛也盛則曷為謂之成諱滅同姓也是也。

杞伯來朝

二月庚子子叔姬卒

卒者許嫁

卒者許嫁。解云舊本皆無此注

且理亦不須疑衍字

傳此未適人何以卒許嫁矣婦人許嫁字

而符之死則以成人之喪治之其稱子何

據伯

卒亦許嫁不稱子

此未至以卒。解云正以

伯至稱子。解云即僖九年秋七月乙酉伯姬卒是也

貴也其貴奈何母弟也

不稱母妹而繫先君言子者遠別也禮男子不絕

婦人之手婦人不絕男子之手

禮男至之手。解云既夕禮及喪

大記皆有此文

夏楚人圍巢

秋滕子來朝

秦伯使遂來聘遂者何秦大夫也秦無大夫此何以

書賢繆公也何賢乎繆公

據聘不足與大夫荆人

來聘是也。使遂二傳。秦伯使遂來聘。解云左

作術字者疑遂字誤。遂者何。解云欲言微者書

名見經。欲言大夫不錄其氏。故執不知問。荆人

來聘是也。解云莊二十三年夏荆人

來聘傳云荆何以稱人始能聘也。是也。

以為能變也。

其為能變奈何惟談談善淨言。

談談淺薄之貌。淨

猶撰也。截淺薄貌也。賈逵注外傳云巧言也。善淨在

井反撰也。本或作編。皮勉反。又必。

淺反。本作撰。七全反。又仕勉反。

有淺薄之善。俾君子易怠。

而撰其言也。俾君子易怠。猶輕惰也。

以。俾必爾反。注同。俾也。易。

此君子易為輕惰。何者自

其善而欲慢人以自尊矣。

而況乎我多有之惟一

介斷斷焉無他技。

技奇巧異端也。孔子曰：攻乎異端，斯害也已。古拜反。

一介猶一槩也。尚書音占，貨反。斷斷，丁亂反。專一也。

注同。技其綺反。槩，古愛反。奇，其宜反。本又作琦。同。

而况至有之。解云：我謂秦伯也。言况於秦伯之

懷其善言，無算故曰多有之。惟一，至也。技，秦伯之

云：秦伯之善，雖曰無算，若思念之，皆是一槩專一之

事更無奇巧異端之術。言其醇粹，其善無擇矣。

斷斷至異端也。他技異端之技也。是與此合。其心休休

誠一之貌也。他技異端之技也。是與此合。其心休休

休休美大貌。休休許虬。

能有容。能有容賢者。

逆耳之言是難也。是難行也。秦繆公自傷前不能

用百里子蹇叔子之言感而自變悔，遂霸西戎。故因

其能聘中國善而與之使有大夫子貢曰君子之過也如日月之食焉過也人皆見之更也人皆仰之此

之謂也○秦繆至言之○解云事在僖三十三年

冬十有二月戊午晉人秦人戰于河曲○此偏戰也

以不言師敗績敵也曷為以水地○以水地者謂

水曲折起地遠近所在也据戰于泓不言曲○設

○此偏戰○解云以其書日故知之○据戰于

于泓宋師敗績是也河曲疏矣河千里而一曲也○河曲流以

据地明故可以曲地因以起二國之君數與兵相

戰無已時故不言及不別曲直而地以河曲明而

也○勢所角反不別彼列反下同

季孫行父帥師城諸及運○帥帥師者刺魯微弱臣下

不可使邑久不脩不敢徒行興師厲衆然後敢城之

言及者別君邑臣邑也○運二傳作○帥帥至

此注者正見隱七年夏城中丘之屬皆不言帥帥

也言臣下不可使者即上八年公孫敖如京師不至

復丙戌奔莒傳云不至復者何不至復也內辭也不

可使往也之屬是也○言及至邑也○解云正見

昭五年莒牟夷以牟婁及防茲來奔彼傳云其言及防茲來奔何不以私邑累公邑也何氏云公邑君邑也私邑臣邑也累次也義不可使臣邑與公邑相次序故言及以絕之是也

十有三年春王正月

夏五月壬午陳侯朔卒不書葬者盈為晉文諱也晉

文雖霸會人孤以尊天子自補有餘故復盈為諱

為于偽反下文盈為為盈者相接足之辭晉文於

信二十八年前之時此朔之父陳侯款夏六月卒至

宋未葬而晉文會諸侯於溫經有陳子是強會人

令失子行亦是文公取之是以春秋遂卒竟不書

葬深為文公諱也今若款之子陳侯朔書葬則文

之惡還見是以此處須去朔葬使若陳國之君例

書葬然故言盈為晉文諱故信二十八年夏陳侯款

卒之下注云不書葬者為晉文諱行霸不務教人

以孝陳有大喪而疆會其孤故深為取之是也

不書李黃下直居反

自正月不雨至秋七月公子遂所致

世室屋壞世室者何魯公之廟也魯公周公子伯

禽世室二世室者何解云故言君寢於例不

傳作大室世室者何解云故言君寢於例不

知周公稱大廟魯公稱世室羣公稱宮少差異其

下者所以尚尊周公大廟音周公稱大廟解

大廟文二年大事于大廟是也魯公稱世室解

云即此經是也羣公稱宮解云即武宮煬宮之

屬是也少差至周公解云正以廟者尊卑達

名鬼神所居之稱今此稱異其名知上尊周公故也

此魯公之廟也曷為謂之世室世室猶世室也世

不毀也魯公始封之君故不毀也世室猶世室

也解云世室猶世室

謂之世室者
猶世世室也
周公何以稱大廟于魯
據魯公始封

也封魯公以為周公也
為周公故語在下周公拜

乎前魯拜乎後
始受封時拜于文王廟也尚書曰

用命賞于祖是也父子俱拜者明以周公之功封魯

公也
尚書至干祖。曰生以養周公。生以魯

國供養周公
以養餘亮反注皆同供養九用反下同死以為周公主

如周公死當以魯公為祭祀主加曰者成王始受其

茅土之辭禮記明堂位曰封周公於曲阜地方七百

里華車千乘蓋以為有王功故半天子也
死以魯

繩澁反王干况反
作各篇曰封人社遺諸侯受

于周乃建大社于國中其壝東青土南赤土西白土

北黶土中央黶以黃土將建諸侯壝取其一面之土

包以黃土苴以白茅以為社之封孔氏云王者封五

色土為社建諸侯則各割其方土與之使立社燕以

黃土苴以白茅苴取其潔黃取其王者覆四方者是

其茅土之文耳
蓋以至子也。解云正以天子

者四十九大判言之故得言半天子矣然則周公之

魯乎曰不之魯也封魯公以為周公主然則周公曷

為不之魯
據為周公者謂生以養周公死以為周

公主周公不之魯則不得供養為主欲天下之一乎

周也
周公聖人德至重功至大東征則西國怨西

征則東國怨嫌之魯恐天下迴心趣鄉之故封伯禽

命僕遙供養死則奔喪為主所以一天下之心于周

室。○鄉許**○**東征至東國怨。**魯祭周公何以爲**

牲○亮反。○解云僖四年傳文。**牲**。白牲殷牲也周公死

有王禮謙不敢與文武同也不以夏黑牡者謙改周

之文當以夏辟嫌也。○牲。不以至嫌也。○解云知黑

期三而改改天正十一月者當**魯公用騂牝**○騂牝

赤脊周牲也魯公以諸侯不嫌故從周制以脊爲差

○騂息營反牝音對。○騂牝至牲也。○解云正以

羣公不毛○不毛不純色所以降于尊祖

○尊祖。○解云正以牲用純。○祭祀之禮而言不毛故以降于尊祖解之。**魯祭周公何以**

爲盛○據牲異也。○盛成政反又音成。**周公盛**○盛

者新穀**魯公壽**○壽者冒也故上以新也。○壽徒報

壽音同冒也。○冒。壽者至新也。○解云正以壽。若

然則言周公盛者謂新穀藉其器言。**羣公廩**○廩者

連新於陳上財令半相連爾此謂方禘祭之時序昭

穆之差。○廩力甚反財。○羣公廩。○解云廩謂全是

得相連而已故謂之羣廩者希少之名是以鄭注云

廩讀如羣公廩之廩者是也。○謂方至之差。○解

云正以若其時祭黍食精鑿羣公之讓一何至此故
知正是給祭之時序昭穆之差所以降于尊祖故也
世室屋壞何以書譏爾久不脩也
註簡忽久不

以時脩治至令壞敗故譏之言屋者重宗廟詳錄之

以不務公室書月者知久不脩當蒙上月
疏以不

月者即定二年冬十月新作雉門及兩觀傳云其言
新作之何脩大也脩舊不書此何以書譏何譏不

平公室何氏云務勉也不務公室亦可施於久不

亦可施于不務如公室之禮微辭也月者久也當

脩之如諸侯禮是也然則彼久不脩是以書月此
久不脩故知
當蒙上月爾

冬公如晉衛侯會于齊
○齊徒

狄侵齊

十有二月己丑公及晉侯盟還自晉鄭伯會公于斐

還者何善辭也何善爾往黨衛侯會公于齊至得與

晉侯盟反黨鄭伯會公于斐故善之也
註黨所也所

猶時齊人語也文公前亳之盟不見序後能救鄭之

難不逆王者之求上得尊尊之義下得解患之恩一

出三為諸侯所榮故加錄於其還時皆深善之
○斐

作柴芳尾反
疏還者何
○解云正以不言至而言還

見序
○解云即上七年秋公會諸侯晉大夫盟于亳
傳云諸侯何以不序大夫何以不名公失序也是也

○後能至之難○解云即上九年春楚人伐鄭公
子道會晉人宋人衛人許人救鄭是也○
者之末○解云即上九年春毛伯來求金經無不與
之文是也○
末是也○
解云即公子遂救鄭是也○

十有四年春王正月公至自晉月者為臣子喜錄上

事○為臣于偽反○
下為後當為同○
解云出上文也○

邾婁人伐我南鄙

叔彭生帥師伐邾婁

夏五月乙亥齊侯潘不書葬者潘立儲嗣不明乍

欲立舍乍欲立商人至使臨葬更相篡弒故絕其身

明當更立其先君之次楚便同篡弒申志反下同

○至使至篡弒○解云即下九月齊公子

六月公會宋公陳侯衛侯鄭伯許男曹伯晉趙盾癸酉

同盟于新城盟下日者刺諸侯微弱信在趙盾

徒本盟下至趙盾○解云言信任在於趙盾若

秋七月有星孛入于北斗孛者何○解云欲言是星星名未有

徐扶憤反欲言非星錄為星稱故執不知問

其言入于北斗何据大辰不言入又不言孛名

据大至言入○解云即昭十七年冬有星孛于大
辰是也○
又不言孛名○解云謂昭十七年直言

于大辰不言所字之星名今此言有星字入于北斗
故難之何者大辰非星名故也是以昭十七年傳云
其言于大辰何彼注云浩北
斗言入于大辰非常名是也

中何以書記異也

字者和亂之氣筆者掃故置新

之象也北斗天之樞機玉衡七政所出是時相文迹

息王都不能統政自是之後齊晉並爭吳楚更謀競

行天子之事齊宋莒魯弑其君而立之應

北斗至所出。解云即堯典云在璇璣玉衡以齊

七政七政謂日月五星也。齊宋至之應。解云

即下文九月齊公子商人弑其君合十八年夏五月

齊人弑其君商人是齊弑君事也十六年冬宋人弑

其君處白是宋弑其君也十八年冬莒弑其君

弑則何以不日不忍言也者是魯弑其君事也

公至自會

晉人納接菑于邾婁弗克納

傳 納者何入辭也其言弗

克納何 据言于邾婁與納頓子于頓同俱入國得

立辭

下側其反二傳作捷菑 納者何。解云欲言

欲言不得國納者入辭故執不知問。据言至立

辭。解云即僖二十五年秋楚人圍陳納頓子于頓

是也此上言于邾婁是其得國 大其弗克納也

下云弗克納自相違故難之 勝也鄭伯以勝為惡此弗勝故為大

即隱元年夏五月鄭伯克段于鄆傳云克之者何殺
之也殺之則曷為謂之克大鄭伯之惡也曷為大

伯之惡母欲立之已殺之如勿與而已矣注云克者詰為殺亦為能惡其能忍戾母而親殺之是也何

大乎其弗克納注据伐齊納子糾恥不能納注能納注能納。解云即莊九年夏公伐齊納糾傳云納者何

入辭也其言伐之何伐而言納者猶不能納也是也

晉卻缺帥師革車八百乘以納接菑于邾婁力沛若

有餘注沛有餘貌。乘繩證反沛若而納之邾婁大

言曰接菑晉出也注獲且齊出也注出外孫也注俱縛反

下子注子以其指注指手指注解云子以其指注指手指

令使納接菑也注則接菑也四獲直也六注言俱不

得天之正性注言俱至正性。解云地四生金

矣貴則皆貴矣注子以大國注壓注壓服也服也

使從命注於輒反服也注則未知惡晉孰有之也注

齊復興兵來納獲且亦欲服邾婁使從命未知齊晉

誰能使外孫有邾婁者注齊復扶注貴則皆貴矣注時

邾婁再娶二子母尊同體敵注特邾至體敵。解

或是左媵之子言非姪甥所生也舊云子以其指者言

凡立子之法以其手指相似則接菑猶人之四指獲且

猶人之六指皆異於人故注雖然獲且也長注既兩不得

正性又皆貴唯當以年長故立之注長丁丈注雖然至

云雖皆不得正性但四卻缺曰非吾力不能納也義

實不爾克也註如邾婁人言義不可奪也故云爾引

師而去之故君子大其弗克納也註大其不以己非

奪人之是此晉卻缺也其稱人何貶曷為貶註据趙

鞅納蒯聵不貶註据趙至不貶。解云即哀二年

也註威是。不與大夫專廢置君也曷為不與註据大其弗

克納實與註弗克納是而文不與文曷為不與大夫

之義不得專廢置君也註不復發上無天子下無方

伯傳者諸侯本有錫命征伐憂天下之道故明有

義大夫不得專也接按田不繫邾婁者見挈于卻缺也

不氏者本當言邾婁接留目也註當國也註下音苦結

疏不復至之道。解云此道信元年救邢城

無天子下無方伯天下諸侯以有相滅亡者力能救之

則救之可也今此不復言之故云爾言諸侯本有錫

命征伐憂天下之道故者謂保伍連帥本行共相

存恤之義是以上無天子下無方伯之時容有存恤

之道是故異於大夫耳。明有至專也。解云言

大夫若有專廢置君者即是亂義故曰明有亂義大

夫不得專也。正由大夫不得專廢置君也。接留

至缺也。解云据信二十五年納頰子繫頰也。接留

不氏者。解云据宣十一年納公孫甯儀行父于陳

皆言氏也。本當至當國也。解云即隱元年傳

云段者何鄭伯之弟也何以不稱弟當國也注云欲

當國為之君故如其意使如國君氏上鄭所以見段

之逆是也

九月甲申公孫敖卒于齊已絕卒之者為後齊魯

歸其喪有恥故為內諱使若尚為大夫大夫已絕至

云言已絕者即上八年公孫敖奔莒是也春秋之例

大夫出奔之後即絕於大夫之位不復書其卒即

子慶父滅孫統之屬是是以於此惟其書卒矣言

後齊魯歸其喪有恥者即下十五年夏齊人歸公

孫敖之喪傳云何以不言來內辭也魯我而歸之是也

齊公子商人弑其君舍此未踰年之君也其言弑其

君舍何据弑其君之子奚齊也連名何之者弑成

君未成君俱名問例所從也据弑至齊也

克弑其君之子奚齊傳云已立之已殺之

正當立恐舍緣潘意為害故先立而弑之商人本

立解云正以弑舍不書日見成死者而賤生者也

不正遇禍則知商人本正明矣成死者而賤生者也

註惡商人懷詐無道故成舍之君號以賤商人之所

為不解名者言成君可知從成君不日者與卓子同

○惡烏路反從成君至子同○解云即僖十年

卓勑角反春晉里克弑其君卓子彼下注云不

宋子哀來奔宋子哀者何無聞焉爾

宋子哀者何無聞焉爾宋子哀者何無聞焉爾

宋子哀者何無聞焉爾宋子哀者何無聞焉爾

宋子哀者何無聞焉爾宋子哀者何無聞焉爾

於竹帛故有所失也是也

冬單伯如齊齊人執單伯齊人執子叔姬傳執者曷為

或稱行人或不稱行人註此問諸侯相執大夫所稱

例稱行人而執者以其事執也註以其所銜奉國事

執之晉人執我行人叔孫舍是也疏晉人至是也

十三年晉人執我行人叔孫舍是不稱行人而執者以已執也

者已大夫自以大夫之罪執之分別之者罪惡各當

歸其本列反單伯之罪何道淫也惡乎淫淫于子

又臣特子叔姬嫁當為齊夫人使單伯送之然則展會何不言齊人執單伯及子叔姬

姜繫公子遂註三月遂以大人婦姜至自齊是也內

辭也使若異罪然註深諱使若各自以他事見執者

不書叔姬歸于齊者深諱以起道淫書單伯如齊者

起送叔姬也齊稱人者順諱文使若非伯討註不

姬也紀之屬書歸也言深諱者正以子叔姬有罪故也言

以起道淫者謂深諱不言其歸即是起道淫之義

何者若更為小事而見執何須諱其歸于齊今不言

歸于齊而與單伯俱見執明其在道與單伯淫于歸

事不醒醒矣或曰不書歸于齊者深諱其起道淫故

也何者若言叔姬歸于齊齊人執單伯齊人執子叔

姬即有道淫之理也註齊稱人至伯討註解云即

黃記榮刊

僖四年夏齊人執伯討也稱侯而

十有五年春季孫行父如晉

三月宋司馬華孫來盟月者文公微弱大夫秉政宋

亦蔽於三世之黨三亂結盟故不與信辭不稱使者

宋無大夫官舉者見宋亂也錄華孫者明惡二國

以月惡華孫也華孫戶化反見賢編

云即公子遂是也宋亦至之黨

年傳云為皆官舉宋三世無大夫三世內娶也

也言為三世內娶之故三世妃黨皆強而為君之

蔽故云蔽于三世之黨矣故不與信辭

正以春秋之例凡莅盟來盟例皆書時所以然者

當以至信先天下是也今而書月故言不與信辭

盟之文也官舉至孫也

官舉而此言司馬者正以見宋之亂是以詳錄

華孫明其書月不與信辭者不由華孫之故也

齊人歸公孫敖之喪何以不言來

叔姬齊至叔姬內辭也魯我而歸之筍

將而來也筍者竹篾一名編與齊魯以此名之曰

筍將送也為叔姬淫惡魯類故取其尸置編與中傳

夏曹伯來朝

齊人歸公孫敖之喪何以不言來

叔姬齊至叔姬內辭也魯我而歸之筍

將而來也筍者竹篾一名編與齊魯以此名之曰

筍將送也為叔姬淫惡魯類故取其尸置編與中傳

送而來齊魯令受之故諱不言來起其來有恥不可

言來也不月者不以恩錄與子叔姬異竹篋也將送

也竹篋婢器反一音步賢反服虔音編韋昭音如頻

反編必絲反一音篇郭璞音步典反與音餘為叔于

偽反下父為子為若為實為同

傳直專反令受力呈反下同

有二月齊人來歸子叔姬書月故也

六月辛丑朔日有食之鼓用牲于社是後楚人滅庸

宋人弑其君處曰齊人弑其君商人宣公弑于赤莒

弑其君庶其是後楚人滅庸

宋人弑其君曰解云在十六年冬

即十八年冬手卒傳云子卒者孰謂謂子赤也何

十八年冬

單伯至自齊大夫不致此致者喜惠禍解也不省夫

氏者淫當絕使若他單伯至也解云大夫不

至禍解也

至自晉彼是被執而歸省夫

晉郟缺帥師伐蔡戊申入蔡入不言伐此其言伐何

至之日也其日何據甲寅齊人伐衛日伐也

言據甲寅齊人伐衛日伐也

齊人戰衛至之日也

日入故日入也主書與甲寅同義

伐不日此何以日至之日也何氏云用兵之道當先

至竟侵責之不服乃伐之今日至便以今日伐之

日以起其暴也是也然則今此卻缺亦今日至便以今日伐之故書以日起其暴也

秋齊人侵我西鄙

季孫行父如晉

冬十有一月諸侯盟于扈

不序不日者順上諱文使

若扈之盟都不可得而知

不序至而知

侯晉大夫盟于扈傳云諸侯何以不序大夫何以不

名公失序也公失序奈何諸侯不可使與公盟云云

何氏云文公內則欲久喪而後不能喪娶逆祀外

知之辭不日者順諱為善文也何者盟不日善文也

也

十有二月齊人來歸子叔姬傳其言來何

公孫敖之喪不言來閔之也

閔傷其棄絕來歸此

有罪何閔爾父母之於子雖有罪猶若其不欲服罪

然孔子曰父為子隱子為父隱直在其中矣所以

崇父子之親也言齊人不以棄歸為文者今與敖同

文相發明叔姬于文公為姊妹言父母者時文公母

在明孝子當申母恩也月者閔錄之從無罪例

以至也。○解云：即言來以閱之是也。○言齊人
至母者。○解云：若以棄歸為文，即言子叔姬來歸，不
言齊人，即宣十六年，鄭伯姬來歸，之文是。今言齊人
來歸，之文，此亦為齊人所歸之故。曰：相發明耳。○
時之至恩也。○解云：正以下十六年，秋八月辛未，夫
人姜氏薨，十七年夏葬我小君聖姜，傳云：聖姜者，何
文公之母也。是。○月者，閔至例。○解云：正以棄歸
之例，百罪者，時無罪者，月故也。其有罪者，時即宣十
六年，秋，鄭伯姬來歸，是也。其無罪者，月成五年，春，王
正月，杞叔姬來歸，之屬是也。

齊侯侵我西鄙，遂伐曹，又其郭。○郭者，何恢郭也。○
大也。郭城，外大郭。○郭芳夫反，郭也。○郭者，何。○解
經無城郭，乙文欲言非城，入郭書，平白不書。○圍不

言入入郭是也。○傳之下悉皆無注，有注云：圍不
入入郭是也。○者，衍字耳。○入郭不書，此何以書？動我也。○諱使若
為同姓，見入郭，故動懼我也。動我者，何內辭也。其實

我動焉爾。○齊侵魯，魯實為子叔姬，故動懼失操云。
爾鄉者，不夫幾亦入我郭，故舉入郭，以起魯恥。且明
兵之所鄉，苟得其罪，則莫敢不懼。○鄉者，許亮反。

十有六年，春季，孫行父會齊侯于陽穀，齊侯弗及盟。○
其言弗及盟何。○據序上會也。連盟何者？嫌據盟。○

○據序至據盟。○解云：據序上會，何得弗及？不見與
盟乎？是以問之。云：嫌據盟者，嫌直據盟問之。不見與

盟也 **註** 與齊朝盟為叔孫故中見簡賤不見與盟侮

辱有恥故隸使若行父會而去齊侯不及得與盟故

言齊侯弗及亦所以起齊侯不肯 **○** 為于 **註** 至與盟

○ 解云使若行父會齊侯于陽穀訖即棄之而去齊

侯不及盟 **○** **註** 亦所以起齊侯不肯 **○** 解云若直言

不及盟文體已具足見不得盟矣而更言齊侯不及

者敬道是時不肯盟者早齊侯也若直言季孫行父

會齊侯于陽穀不及盟不妨行 **○** 父不及無以見齊侯不肯矣

夏五月公四不視朔 **註** 視朔說在六年不舉不朝廟者

禮月終于廟先受朝政乃朝明王教尊也朝廟禮也

故以不視朔為重常以朔 **註** 始重也 **註** 視朔說在

太祖廟每月朔朝廟使大 **○** 天南面奉天子命若此

而受之是也 **○** **註** 不舉至為重 **○** 解云正以視朔

時必有朝廟之禮故上六 **○** 年經云閏月不告月猶朝

于廟是也今此經直言四 **○** 不視朔不道不朝廟故解

之 **○** **註** 常以至重也 **○** 解云言二月之政今所以

不在年初一受之而已必 **○** 以用 **公曷為四不視朔**

之朔日受之者重月之始 **註** 故也 **公曷為四不視朔**

据無事也 **公有疾也** **註** 以不諱舉公如有疾公有疾

乃復舉公是也 **○** 乃復扶 **註** 公有至是也 **○** 解云

又反下同 **註** 即昭二十三年冬公如

晉至河公有 **何言乎公有疾不視朔** **註** 据有疾無惡

疾乃復是也 **何言乎公有疾不視朔** **註** 据有疾無惡

也 **疏** 据有疾無惡也 **○** 解云即昭二十三年 **自是**

者欲起公自是無疾不視朔也

公自至朔也

自文公四不視朔視朔之禮已後遂廢者正取此書也

然則曷為不言公無疾

不視朔有疾猶可言也無疾不可言也

言無疾大惡不可言也是後公不復視朔政事委任公子遂

六月戊辰公子遂及齊侯盟于犀丘

犀丘彥西左氏作鄆丘穀梁作師

立盟于犀丘。解云正本作蓄丘故賈氏公羊曰蓄立穀梁曰師立是也今左氏經作鄆字

秋八月辛未夫人姜氏薨

毀泉臺傳泉臺者何郎臺也莊公所築臺于郎以郎

譏臨民之救浣。救素侯反。泉臺者何。解云泉

二十一年春築臺于郎傳云何以書譏何譏爾臨民之所漱浣也是也然則何以知泉臺為郎臺正以傳云譏臨民之所漱浣書與此泉臺之義合故也

郎臺則曷為謂之泉臺未成為郎臺未成時但以

地名之既成為泉臺既成更以所置名之毀泉臺

何以書譏何譏爾築之譏毀之譏先祖為之已毀之

不如勿居而已矣但當勿居今自毀壞不當故毀

暴揚先祖之惡也築毀譏同知例皆時暴步卜反

流築毀至皆時。解云言築毀譏同者即上傳云

承月下恐蒙月故如此解賤者窮諸人首言士先自稱人今弒君亦稱人故曰窮諸人矣云賤者窮諸盜

者言士之賤名。○賊者殺也。當在下文。處自注下凡原本如不過于盜故也。此類者已廢。今將此段所移不盡爾故記之。

楚人秦人巴人滅庸。○巴布加反

冬十有一月宋人弑其君處白。○傳弑君者曷為或稱名

氏或不稱名氏大夫弑君稱名氏賤者窮諸人。○賤

者謂士也士正自當稱人。○傳作拊白大夫相殺稱人

賤者窮諸盜。○傳降大夫使稱人降士使稱盜者所以

別死刑有輕重也無尊上非聖人不孝者斬首梟之

無營上犯軍法者斬要殺人者刎頭故重者錄輕者

略也不日者內娶略賤之。○傳別彼列反梟古堯反

脰音豆。○疏故稱名氏責之。一冰若大夫相殺罪輕於

君故降稱盜者義之輕然也。○傳不日至賤之者已說于上

十有七年春晉人衛人陳人鄭人伐宋

夏四月癸亥葬我小君聖姜。○傳聖姜者何文公之母也

○傳聖姜者何。解云欲言夫人謚異其夫傳作聲姜。○傳號欲言為妾而卒葬並書見故執不知

齊侯伐我西鄙

六月癸未公及齊侯盟于穀

諸侯會于扈

秋公至自穀

公子遂如齊

十有八年春王二月丁丑公薨于臺下

秦伯瑩卒

秦穆公也至此卒者因其賢反何云穆公

也左氏穆公春秋外之往前以來未錄其卒今乃始

書故以賢解之而左氏為康公者與此別穀梁無解

夏五月戊戌齊人弑其君商人註商人弑君賊復見者

與大夫異齊人已君事之殺之且當坐弑君扶又復見

下同下注云據宋督鄭歸生齊崔杼弑其君後不復見傳又

云親弑君者趙穿也注云復見趙盾者欲起親弑者

復見者正以其為君故也與大夫弑其君舍而

之殺之宜當坐弑君然則商人弑其君舍而存之欲

責臣子不討賊故也是以莊二十二年注云不與念

母而譏忌省者本不事母則已不當忌省猶為商人

責不討賊義亦通於此

六月癸酉葬我君文公

秋公子遂叔孫得臣如齊註不舉重者譏魯猥使二大

夫出虛國家廢政事重錄內也

秋之常今而悉舉故解之穀梁傳云使舉上客而不稱介不正其同倫而相為介故列而數之也者亦是

張元盛

直舉重之義也而言重錄內者正以外大夫未有並見者於內唯有此經及定六年夏季孫斯仲孫何忌如晉之文故知正是重錄內也

冬十月子卒傳子卒者孰謂謂子赤也何以不日註据

子股卒日隱之也何隱爾弒也弒則何以不日註据

子股卒日註下及注同疏据子股卒日。解云

子股卒不忍言也註所聞世臣子恩痛王父深厚故

不忍言其日與子股異疏故不忍至股異。解云

故也是以莊三十三年子股卒之下何氏云殺不去日見隱者降子赤也是

夫人姜氏歸于齊傳歸者大歸也夫死子殺賊人立

月歸留故去也有去道書者重絕不復反疏大歸也

之類故言歸者大歸也。註有去至復反也。解云正

以常事不書故也

季孫行父如齊

莒弒其君庶其傳稱國以弒何註据莒人弒其君密州

疏据莒至密州。解云即襄三十三年十月有二月莒人弒其君密州是也稱國以弒者

衆弒君之辭註一人弒君國中人人盡喜故舉國以

明失衆當坐絕也例皆時者畧之也疏例皆至之

是失衆而稱國以弒者皆書時以畧之即定十三年冬薛弒其君比之屬是也若然昭二十七年夏四月

吳弒其君僚亦是稱國而書月者彼非失衆但以見
弒之義故不書時賤之是以何氏云不書闔閭弒其
君者為季子諱明季子不忍父子兄弟自相弒讓其
闔閭欲其享之故為沒其罪也月者非失衆見弒
不畧之者是也

蘇密依

春秋公羊註疏宣公卷第十五

盡九年

漢何休學

宣公

元年春王正月公即位傳繼弒君不言即位此其言即

位何其意也注桓公篡成君宣公篡未踰年君嫌其

義異故復發傳注桓公至發傳。解云即桓元年

何注云據莊公不言即位彼傳云如其意也注云弒

君欲即位故如其意也注云弒君欲即位故如其意
以著其惡是也若然案禮未踰年之君臣下為之無
服臣為君斬衰三年誠實自異何言嫌其義異者正

春秋卷五

宣公

以側隱者相似故也是以閔元年何氏云復發傳者嫌繼未踰年君義異故也明當隱之如一也

公子遂如齊逆女

譏喪娶復書不親迎者嫌觸諱不成其文也有母言如者緣內諱無貶公文

云何氏以為人君喪娶者宜有貶刺之文若其吉逆使卿者宜書譏之見不親迎而已即叔孫僑如之徒是也

今公子遂為君喪娶宜去公子以見譏而存公子復作不親迎之經書之者正以公子遂本是弒君之賊若去

公子即嫌為觸弒君大惡之故諱去公子即以隱四年十年公子翬之類是以不得成其貶文若然文公二年

公子遂如齊納幣亦譏喪娶之經而不去公子者彼是喪未畢納幣為失禮猶淺此乃初喪逆女固當合諲即

下八年而注云元年逆女嫌為喪娶貶也者義亦通於此云云之說八年注備

有母至公文。解云下八年夏六月戊子夫人熊氏薨冬十月己丑葬我小君

熊氏命不通四力何何者若其去如則嫌宣公

緣內無貶公之文故也何者若其去如則嫌宣公

娶為絕貶不成為諸侯然也正緣此事不得去如也

若然莊二十八年臧孫辰告糴于齊不言如所以不嫌莊公不能貯蓄絕而賤之者彼蓋糴之事可以通

臧孫之私行此大夫不外娶無道私行之義故如是

三月遂以夫人婦姜至自齊傳遂何以不稱公子一事

而再見者卒名也卒竟也竟但舉名者省文夫人

何以不稱姜氏據僑如以夫人婦姜氏至自齊也

經有姜不但問不稱氏者嫌據夫人氏欲使去姜

至去姜。解云即僖元年夫人氏之喪至自齊是也

貶曷為貶據俱至也譏喪娶也喪娶者公也則曷

為貶夫人

註 据師還也

疏 八年秋師還傳曰還者何

善辭也如滅同姓何善爾病之也曷為病之非師之

罪也彼公自滅同姓非師之罪是以歸惡于公書還

以善師此公自喪娶非夫人之罪內無貶于公之道

而貶夫人與彼義違故据而難之也

也 **註** 明下無貶上之義內無貶于公之道則曷為貶

夫人 **註** 据俱有諱義 **疏** 据俱有諱義。解云春秋

為夫人諱 **夫人與公一體也** **註** 恥辱與公共之夫人

而貶之乎 **夫人與公一體也** **註** 恥辱與公共之夫人

貶則公惡明矣去氏比於去姜差輕可言故不諱貶

夫人 **疏** 夫人與公一體。解云初則判合終

其事體先亡遺餘半在爾故傳以一體言之。恥辱

至自齊是也然此不諱者以其輕而僖元年去姜

則重矣而亦不諱者何氏云因正王法所 **其稱婦何**

加臣子不得以夫人禮治其喪也 **其稱婦何**

註 据桓公夫人至不稱婦 **疏** 据桓三年九月夫人姜

氏至自有姑之辭也 **註** 有姑當以婦禮至無姑當以

齊是也 **有姑之辭也** **註** 有姑當以婦禮至無姑當以

夫人禮至故分別言之言以者見行遂意也見繼重

在遂因遠別也月者公不親迎危錄之例也 **疏** 有姑

也。解云隱二年傳云在塗稱婦與此違者兼二義

也言在塗見大而服從夫故謂之婦至國對姑而服

從姑是以亦謂之婦矣。有姑至禮至。解云當

以婦禮至而稱夫人者臣下錄之故也。言以至

別也。解云桓十四年傳云以者何行其意也何氏

云以已從人曰行然則此經云遂以夫人者欲見夫

人是時進止由遂故言見繫重在遂若不言以直云
遂夫人則嫌陸夫人男女無別故云因遠別也。
月者至例也。解云即桓三年九月夫人姜氏至
自齊之屬是也言公不親迎故書月危錄之例也。

夏季孫行父如齊

晉放其大夫胥甲父于衛傳放之者何猶曰無去是云

爾是是衛傳放之者何。解云大夫去國於例然

則何言爾近正也此其為近正奈何古者大夫已去

三年待放傳古者刑不上大夫蓋以為摘巢毀卵則

鳳凰不翔刻胎焚夫則麒麟不至刑之則恐誤刑賢

者死者不可復生刑者不可復生故有罪放之而已

以尊賢者之類也三年者口者疑獄三年而後

易曰繫用徽墨寘於叢棘三正不得凶是也自嫌有

罪當殊故三年不敢去傳摘棘反刺口狐反

也。解云用古放臣而言近正者正以古者放臣任

其大夫。解云此晉又處之於衛故言近耳。古者刑不

其犯法則在八議輕重不在刑書是也。蓋以爲

至不至。解云皆家語文是時孔子之晉聞趙簡子

殺舜華之屬故為此言而遂還耳。易曰至是也

。解云此坎卦上六爻辭也。鄭氏云繫拘也交辰在
巳巳為地地之蟠屈以微墨也三五互體艮文與震
同體艮為門闕於木為多節震之所為有叢拘之類
門闕之內有叢木多節之木是天子外朝左右九棘
之象也外朝者所以詢事之也左嘉石平罷民焉
右肺石達窮民焉罷民邪惡之民也上六乘陽有邪

也服金革之事謂以兵事使之君使之非也

古道也臣行之禮也臣順為命亦禮也此與君放

之非臣待君放正同故引同類相發明閔子

騫以孝聞騫對子騫以孝聞要經而服事禮已

練男子除乎首婦人除乎帶要一

傳文孔子蓋善之也者蓋猶是也言於此三事孔子

皆善之其三事者初則要經而服事次則謂君為古

者後則退而既而曰若此乎古之道不即人心

致仕是也既

事畢言古者不敢斥君即近也退而致仕退退身

也致仕還祿位于君孔子善其服事

得事君之義致仕內不失親親之恩言古者

不訕其君也不言君子者時賢者多以為非唯孔子

以為是音孫

公會齊侯于平州

公子遂如齊

六月齊人取濟西田外取邑不書此何以書

取之不書禮反齊子疏據曹取之不書解云即信

取之取之曹也曷為不言取之曹柯晉侯執曹伯班其

此未有伐曹者則其言取之曹柯晉侯執曹伯班其

所取侵地于諸侯也晉侯執曹伯班其所取侵地于

諸侯則何諱乎取同姓之田久也何氏云魯本為霸

者所還當時不取久後有悔更緣前語取之不應復
矣故當坐取邑其齊西田本魯物而曹取之不書之
所以賂齊也魯所以賂遺齊故稱人共國辭遺

唯季何者魯人篡弒以地賂人齊人失所取篡者
反賂皆合也曷為賂齊據上無戰伐無所謝上至

稱人故也解云正決哀七年秋公伐邾婁八月己酉入
所謝解云正決哀七年秋公伐邾婁八月己酉入
知婁以邾婁子益來八年夏齊人取謹及俾傳云外

取邑不書此何以書所以賂齊也曷為賂齊為以
婁子益來也然則此文之上不見戰伐之文應無所
謝曷為以地賂為弒子亦之賂也子赤齊外孫宣
齊乎故難之

公篡弒之恐為齊所誅為是賂之故諱使若齊自取
之者亦因惡齊取篡者賂當坐取邑未之齊坐者
律行言許受賂也月者惡內甚于邾婁子益

外孫。解云文公四年經書娶于齊而生也。邾未
之至受賂也。解云十年齊人歸我濟西田傳云齊
已取之矣其言我何言我者未絕于我也曷為未絕

于我齊已言取之矣其實未之齊也何氏云齊已言
語許取之其人貢賦尚屬於魯實未歸於齊不言
來者明不從齊來不當坐取邑是以知其未之齊矣

傳云外取邑不書此何以書所以賂齊也曷為賂齊
為以邾婁子益來也彼注云邾婁齊與國畏為齊所
怒而賂之恥甚故諱使若齊自取然則彼為侵奪小
國而賂齊此為篡適而賂齊罪重於彼是以書

秋邾婁子來朝
楚子鄭人侵陳遂侵宋微者不得言遂遂者楚子之

遂也不從鄭人去遂者兵尊者兼將匠反將子疏者至

之遂也。解云正以遂者寧事之文也是以僖二十

五年注云微者不別遂但別兩耳是也其若大例不

合遂若其竟外有利國家之事亦權許之即莊十九

年秋公子結媵陳人之婦于鄆遂及齊侯宋公盟下

傳云大夫無遂事此其言遂何聘禮大夫受命不受

辭出竟有可以安社稷利國家者則專之可也是

晉趙盾帥師救陳宋公陳侯衛侯曹伯會晉師于斐林

伐鄭傳此晉趙盾之師也註据上趙盾救陳微者不

能會諸侯斐芳注微者至諸侯。解云謂若是

于斐林尾反微者即不能為會主以致諸侯

而會之曷為不言趙盾之師註据公子遂會晉趙盾

于衡雍伊維戎盟釋出各氏註据公子至各氏。

乙酉公子遂會伊維戎盟于暴是君註會大夫

辭也註時諸侯為趙盾所會不與卑致西守故正之去

大夫各氏使若更有師也殊會地之者起諸侯為盾

所會疏殊會至所會。解云言殊會者曰正謂先序

侯衛侯曹伯帥師伐鄭而先言會晉師于斐林乃言

伐鄭者若以趙盾之師先在是致諸侯來會之然也

故曰起諸侯為盾所會耳

冬晉趙穿帥師侵柳傳柳者何天子之邑也註天子之

間田也有大夫守之晉與大夫忿爭侵之音閑柳

何。解云欲言是國又復未聞欲曷為不擊乎周註

言是邑文無所繫故執不知問

據王師敗績于賀戎繫王。音茂。賀。據王至繫王。

王師敗績于賀戎是也。不與伐天子也。絕正其義。使若兩國

自觀伐。絕正其義。解云謂絕柳不使繫之於王所以正君臣之義也。

晉人宋人伐鄭

二年春王二月壬子宋華元帥師及鄭公子歸生帥師

戰于大棘宋師敗績獲宋華元。復出宋者非獨

華元明恥辱及宋國。華元。宋華至華元。解云

將皆尊其師。皆衆故也。

秦師伐晉

秦稱師者閔其衆惡其將本秦之忿起

之戰今襄公繆公已死可以止矣而復伐晉惡其

怨結禍無已。秦稱至其將。解云正以文十二

之名氏若其貶之宜稱人稱出而言師者正以閔其

夏晉人宋人衛人陳人侵鄭

秋九月乙丑晉趙盾弒其君夷犇。夷犇戶刀反又古

冬十月乙亥天王崩。匡王。解云即三

三年春王正月郊牛之口傷改卜牛牛死乃不郊猶三

望傳其言之何。據食角不言之。解云即成

七年春王正月饗鼠食郊牛角改緩也辭間容之

故為緩不若食角急也別天牲主以角書者譏宣公

養牲不謹敬不潔清而災重事至尊故詳錄其簡甚

疏注不若食角急也。解云言食角之時正以有不

天牲主以角。解云即王制云祭天地之牛角簡甚

宗廟之牛角握賓客之牛角尺是。重事至簡甚

為不復卜。據定十五年牛死改卜牛。據定至

云據彼經云十五年春王正月養牲養二卜。二卜

語在卜帝牲不吉。皇天大帝在北辰之中主

領天地五帝羣神也不吉者有災。解云在北

之中者言在北辰之處。系微宮內也云總領天地

帝羣神也者總領天地之內五帝羣神也其五方之

帝東方青帝靈威仰之。獨足其五。則板稷牲而卜之

注先卜帝牲養之有災更引稷牲卜之以為天牲養

之凡當二卜爾復不吉不復郊。板晉顛反。疏引至

天牲。解云即定十五年。帝牲在于滌三月。滌宮

牛死改卜牛者正謂此。名養帝牲三牢之處也謂之滌者取其蕩滌潔潔清三

牢者各主一月取三月一時足以充其天牲。大歷反。於稷者唯具是視

養牲宮名

疏三牢之文出春秋說文

於稷者唯具是視

註視其身體具無災言而已不特養于滌宮所以降

授尊帝郊則曷為必祭稷**註**惟郊者主為祭天王者

必以其祖配**註**區謂后稷配之始祖姜嫄履大人迹

所生配配食也**疏**注姜嫄至所生。解云即詩云履

曰姜嫄為帝嚳元妃出野見巨人應心忻然欲

踐之身動如孕者居期而生子以為不祥棄之

巷或棄山林寒冰之上云云姜嫄以為神王者則曷

遂牧養長之初欲棄之因名曰棄是也

為必以其祖配**註**據方父事大**疏**注據方父事天。

特祭何嫌而要須以自內出者無匹不行**註**匹合也

祖配祭之乎故難之**註**無所與會合則不行自外至者無主不止**註**必得主

人乃止者天道闇昧故推人道以接之不以文王

者重本尊始之義也故孝經曰郊祀后稷以配天宗

祀文王於明堂以配上帝上帝五帝在太微之中迭

生子孫更王天下書改卜者善其應變得禮也**大結**

反更王音更**疏**必得至按之。解云正謂天之精

下于况反**疏**神靈不明察矣。解云上帝至禮也。

解云此五帝者即靈威仰之屬言在大微宮內迭王
天下即感精符云蒼帝之始二十八世滅蒼者翼也
彼注云堯翼之星精在南方其色赤滅翼者斗生云
舜斗之星精在中央其色黃滅斗者參注云禹參之
星精在西方其色白滅參者虛注云湯虛之星精在
北方其色黑滅虛者房注云文王房星之精在東方
其色青五星
之謀是其義

葬匡王

葬匡王。解云天子記崩不記葬今而書者

即文九年傳曰王者不書葬此何以書不及時書也時書我有往者書然則此未滿七月所謂不及時書也

楚子伐賁渾戎

賁渾舊音六或音奔下戶門反二傳作陸渾

夏楚人侵鄭

秋赤狄侵齊

宋師圍曹

冬十月丙戌鄭伯蘭卒

葬鄭穆公。葬不月者子未三年而然故略之也。葬月大國之常今而不月故為此解以若定公十五年春薛伯定卒何比云不日月者子未三年而然故略之也。考諸舊本皆無此字。然則有者衍字耳。而不月者與卒同月故也。即隱三年傳云不及時而

定之子是失眾見云慢薄不能以禮葬是也。然則薛伯國以弑是也。今此繆公之子為公子歸生弑之非失眾之文是以經書冬十月丙戌鄭伯蘭卒而不略之以此言之有注者非也。

四年春王正月公及齊侯平莒及郯莒人不肯公伐莒

取向傳此平莒也其言不肯何也。据取汶陽田不言

棘不肯。据取汶至不肯。解云即成二年秋取

陽田至三年秋叔孫僑如率師圍棘傳

云棘者何汶陽之不服邑也其言圍之何不聽也何
不聽也何氏云不聽者叛也不言叛者為內諱故書
圍以起辭取向也○為公取向作辭也恥行義為利
故諱使若苦不肯起其平也聽公平伐取其邑以弱
之者愈也苦言及者明非苦不肯起其平也書齊侯
者公不能獨平也月者惡錄之○公為○疏○苦言及
○解云正以及是汲汲之意亦見直之義故如此
○月者惡錄之○解云正以定十一年冬及魯
知平例不月今而書月故以為惡錄之若然定
春王三月及齊平而書月何氏云月者煩谷之
侯欲執定公故不易是也又昭七年春王正月
平而書月何氏云月者刺內壹暨也時魯方結
吳外恭強楚故不○及及于齊是也

秦伯稱卒

夏六月乙酉鄭公子歸生弑其君夷

赤狄侵齊

秋公如齊

公至自齊

冬楚子伐鄭

五年春公如齊

夏公至自齊

秋九月齊高固來逆子叔姬

叔孫得臣卒

註

不日者知公子遂欲弑君為人臣知

而不言明當誅

疏

秋九月至叔姬。解云隱二年注

固不蒙月也。

註

不日至當誅。解云正以所聞之

世大夫之卒無罪者日有罪者月今此不日故解之

但推章上下更不見得臣有罪之文惟有文十八年

秋公子遂叔孫得臣如齊冬十月公子遂弑子赤是

以何氏消息

冬齊高固及季叔姬來

傳

何言乎高固之來

叔姬為重大夫私事不當書

疏

為重直。用反下同。為重。解云正

云正以春秋尊內故也。

註

大夫至當書。解云正

以內之大夫直錄其如不書其大夫私事故也。今

高固是言叔姬之來而不言高固之來則不可

大夫妻歲一歸宗叔姬屬嫁而與高固來如但言

姬來而不言高固來則魯負教戒重不可言故書高

固明失教戒重在固言及者猶公及夫人

疏

故書

○解云婦人之道既嫁從夫故也。

註

言及至夫人

○解云即僖十一年夏公及夫人姜氏會齊侯于陽

穀是也然則公羊之義以為夫妻言及者遠別之辭

刺其無別是以下注云言其雙行匹至似於鳥獸

也故相十八年春公夫人姜氏遂如齊傳云公何以

不及夫人注云據公及夫人會齊侯于陽穀天公外

也注云若言夫人已為公所絕外也傳云夫人外者

何內辭也注云內為公諱辭其實夫人外公也注云

時夫人淫於齊侯而譖公故云爾然則相公十八年

以遠子公羊子曰其諸為其雙雙而俱至者與

其雙行匹至似於鳥獸其無別如雉狐緩緩故曰

雙行游匹而來鷓鴣不異故言匹至似於鳥獸矣而

舊說云雙雙之鳥一身二首尾有雌雄隨便而偶常

楚人伐鄭

六年春晉趙盾衛孫免侵陳傳趙盾弑君此其復見何

注 據宋督鄭歸生齊崔杼弑其君後不復見賢編反

疏 據宋督至不復見○解云其宋督之事即桓二

父者是也歸生之事上四年夏六月乙酉鄭公子結

生弑其君夷是也崔杼之事即襄一十五年夏五

齊崔杼弑其君光是也然則春秋之內書名弑君

公子翬如齊逆女宣元年公子遂如齊逆女之

見罪在相宣故輦遂得見閔二年公子慶父出奔

書者彼注云慶父弑二君不當復見所以復見者是

季子緩追逸賊是也隱四年衛人殺州吁于濮彼注

云書者善之也然則善其臣子討得其賊是以書見

則知莊九年齊人殺無知書之者亦是討得其賊善

而書之莊十二年宋萬出奔陳得書之者彼注云萬

弑君所以復見者重錄疆禦之賊明當急誅之也是

注

注

注

其無別如雉狐緩緩故曰

雙行游匹而來鷓鴣不異故言匹至似於鳥獸矣而

舊說云雙雙之鳥一身二首尾有雌雄隨便而偶常

不離散故以喻

焉非何氏意也

賢編反

桓二

父者是也歸生之事上四年夏六月乙酉鄭公子結

生弑其君夷是也崔杼之事即襄一十五年夏五

齊崔杼弑其君光是也然則春秋之內書名弑君

公子翬如齊逆女宣元年公子遂如齊逆女之

見罪在相宣故輦遂得見閔二年公子慶父出奔

書者彼注云慶父弑二君不當復見所以復見者是

季子緩追逸賊是也隱四年衛人殺州吁于濮彼注

云書者善之也然則善其臣子討得其賊是以書見

則知莊九年齊人殺無知書之者亦是討得其賊善

而書之莊十二年宋萬出奔陳得書之者彼注云萬

不得以為功當坐執人亦是其得書之義文十八年
齊人弑其君商人昭十一年楚子虔誘蔡侯殺之
于申皆書者商人之下何氏云商人弑君賊復見者
與大夫異齊人已君事之殺之宜當坐弑君是也昭
十三年楚公子棄疾弑公子比得書
者亦是加弑故也如趙盾之類矣
親弑君者趙穿
也復見趙盾者欲起親弑者趙穿非盾親弑君者

趙穿則曷為加之趙盾不討賊也何以謂之不討賊

也謂之不討賊乎故難之
晉史書賊曰晉趙盾弑其

謂之不討賊乎故難之
君夷律趙盾曰天平無辜
天告冤。解云冤。謂冤枉之冤也。
吾不弑君誰謂吾弑君者乎史曰
爾為仁為義人弑爾君復國不討賊此非弑君而
何復反也趙盾不能復應者明義之所責不可辭

趙盾之復國
禮公族朝於內朝親親也雖有富貴者以齒明父子
公為無道使諸大夫皆內朝
也外朝以官體異姓也宗廟之中以爵為位崇德也

也外朝以官體異姓也宗廟之中以爵為位崇德也

也外朝以官體異姓也宗廟之中以爵為位崇德也

宗人授事以官尊賢也升餞受爵以上嗣尊祖之道也喪紀以服之精粗為序不奪人之親也

音。餞。禮。

公族至之親也。解云此皆文王世子文彼注云內朝路寢廷也云雖有貴者以齒明父子也彼注云謂以宗族事會也云外朝以官體異姓也者彼鄭氏云外朝路寢門之外廷體猶連結也云宗廟之中以貴為位崇德也者鄭氏云崇高也以爵貴賤異位云宗人授事以官尊賢也者鄭氏云宗人掌禮及宗廟也

以官官各有所掌也若司徒奉牛司馬奉羊司空奉豕云升餞受爵以上嗣尊祖之道也者彼文云其餞獻爵則以上嗣尊祖之道也注云上嗣祖之正爵謂上嗣舉奠也今此何氏以登為升復無獻字

所見異也云喪紀以服之精粗為序不奪人之親者彼文作輕重字此作精粗者亦所見異也其上云其公大事則以其喪服之精粗為序注云大事

然後處乎臺上引彈而彈之已趨而辟九

大夫也音紀已矣註以是為笑樂音洛趙

看已朝而出與諸大夫立於朝有人荷畚

畚草器若今市所量穀者是也齊人謂之鍾

自閨而出者宮中之門謂之闈其小者謂之闈

內朝出立于外朝見出闈者知外朝在闈外內朝在

閨內可知闈者宮中相通小門也其小者謂之闈

乎閨註彼何者始恠何等物之辭熟視知其為番乃

言夫番者賤器何故乃出尊者之閨乎呼之不至註

恠而呼欲問之曰子大夫也欲視之則就而視之註

顧君責已以視人欲以見就為解也古者士大夫通

曰子解佳賣趙盾就而視之則赫然死人也註赫

然已支解之貌趙盾曰是何也曰膳宰也註主宰割

殺膳者若今大官宰人熊蹯不熟註蹯掌公怒以斗

擊而殺之註擊猶擊也擊謂旁擊頭項擊五蓋

擊也擊口支解將使我棄之趙盾曰嘻趨而入靈公

望見趙盾愬而再拜註愬者驚貌禮臣拜然後君

拜靈公先拜者番出盾入知其欲諫欲以敬拒之使

不復言也禮天子為三公下階卿前席大夫與席士

式几愬所華反又訴路反禮天至式几趙盾遂

巡北面再拜稽首註頭至地曰稽首頭至手曰拜手

頭至地至拜手趨而出註本欲諫君君以拜謝

知己意冀當覺悟故出靈公心忤焉註忤慙貌慙盾

知己過忤在欲殺之於是使勇士某者往殺之註

某者本有姓字記傳者失之勇士入其大門則無人

門焉者入其閨則無人閨焉者註焉者於也是無人

於閨門守視者也上其堂則無人焉註但言焉絕語

辭堂不設守視人故不言堂焉者俯而闕其戶註俯

挽頭戶室戶方食魚殮勇士曰嘻子誠仁人也吾入

子之大門則無人焉入子之閨則無人焉上子之堂

則無人焉是子之易也註易猶省也音孫殮子為晉國

重卿而食魚殮是子之儉也君將使我殺子吾不忍

殺子也雖然吾亦不可復見吾君矣註負君命也

刎頸而死註勇士自斷頭也傳極道此者明約儉之

衛也甚於重門擊柝孔子曰禮與其奢也寧儉此

謂也頸居郢反斷音短傳極至謂也擊柝

以待暴客是也靈公聞之怒滋欲殺之甚註滋猶益也衆莫

可使往者於是伏甲于宮中召趙盾而食之趙盾之

車右祁彌明者國之力士也註禮大夫駮乘有車右

有御者而食音嗣下佗然從乎趙盾而入註佗然

壯勇貌乙反放乎堂下而立註嫌靈公復欲殺盾

故入以為意禮器記曰天子堂高九尺諸侯七尺大

者五尺士三尺趙盾已食靈公謂盾曰吾聞子之劔

蓋利劔也子以示我吾將觀焉註授君劔當拔而進

其首靈公因欲以推殺之趙盾起將進劔祁彌明自

下呼之曰盾食飽則出何故拔劔於君所趙盾知之

註由人曰知之自己知曰覺焉疏由人至覺焉註由人曰知之

此文是也自己知曰覺者即昭三十一年傳云夏父

曰以來人未足而肝有餘叔術覺焉曰嘻此誠爾國

也夫起而致國踏階而走註踏猶超遠不暇以次

于夏父是也靈公有周狗註周狗可

丑略反與渡同一本作定音靈公有周狗註周狗可

同遽不其據反本亦作劇靈公有周狗註周狗可

以比周之狗所指如意志反謂之葵犬四尺曰

而從之祁彌明逆而跋之註以足逆躡曰跋存以足

逆躡之躡徒臘反疏呼葵而屬之解云謂呼而指絕其領

註領口感反趙盾顧曰君之葵不若臣之葵也然

而宮中甲鼓而起註甲即上所道伏甲約勒聞鼓聲

當起殺盾有起于甲中者抱趙盾而乘之註欲趨疾

走趙盾顧曰吾何以得此于子註猶曰吾何以得此

救急之恩於子邪非所以意悟曰子某時所食活我

于暴桑下者也註某時者記傳者失之暴桑蒲蘇桑

欲報之曰吾君孰為介註介甲也猶曰我晉君誰為

興此甲兵豈不為盾乎子之乘矣何問吾名註之乘

即上車也猶曰子以上車矣何不疾去而反徐問吾

名乎欲令蚤免去不望報矣音蚤趙盾驅而出眾無

留之者註明盾賢人不忍殺也且靈公無道民眾不

悅以致見殺趙穿緣民眾不說起弒靈公然後迎趙

盾而入與之立于朝註復大夫位也即所謂復國不

討賊明史得用責之傳極道此上事者明君雖不君

臣不可以不臣音悅一而立成公黑臀註不書者

以惡夷俾猶不書剽立剽匹妙反註立解

公二十六年二月辛卯衛甯喜弒其君剽甲午衛侯

復歸于衛然則曷為不言剽之立不言剽之立者

以惡衛侯矣注云欲起衛侯失眾出奔故不書剽立

剽立無惡則衛侯惡明矣然則此處不書黑臀之立

以惡夷俾明矣故如此解

夏四月

秋八月蠆註先是宣公伐莒取向公比如齊所致註

是至取向。解云在上四年春也。公比如齊。註解云即四年秋公如齊五年春公如齊是也。

冬十月 七年春衛侯使孫良夫來盟註春衛侯至來盟。解云不書日月者相十四年。

夏鄭伯使其弟語來盟之下何氏云時者從內為王
義明王者當以至信先天下然則成三年冬十有一
月晉侯使荀庚來聘衛侯使孫良夫來聘丙午及荀
庚盟丁未及孫良夫盟亦是來盟而書日月彼下注
云書者惡之詩曰君子屢盟亂是用長二國既結
相聘不能親信反復相疑故舉聘以非之是其惡故
不舉重而書日月之義
也是當文皆有注解

夏公會齊侯伐萊

秋公至自伐萊

大旱

為伐萊踰時也

偽反

冬公會晉侯宋公衛侯鄭伯曹伯于黑壤

八年春公至自會

夏六月公子遂如齊至蕃乃復傳其言至黃乃復何

據公孫敖不言至復又不言乃

解云即文八年冬

公孫敖如京師不至

復丙戌奔莒是也

有疾也

乃難辭也上言乃復

下有卒知以疾為難

難辭也

何言

有疾乃復

公如晉以有疾乃復殺恥以為有疾無惡

如至無

惡

惡。解云即昭二十三年冬公如晉至河公有疾乃
復傳云何言乎公有疾乃復也注云因有疾以

殺畏晉之

恥是也 譏何譏爾大夫以君命出聞喪徐行而不

反

聞喪者聞父母之喪徐行者不忍疾行又為君

當使人追代之以喪喻疾者喪尚不當反况於疾乎

順經文而重責之言乃不言有疾者有疾猶不得反也。教不言乃者明無所難為重教當誅遂當絕。經文至難為重。解云正以傳不言大夫以君命出遇疾而還非禮而言聞喪徐行而不反者是其順經文而重責之故也。教當誅遂當絕。解云以教違命罪大故當誅誅者罪累家也遂前雖弒君而宣公不以為罪直以當時行事而責之責其奉命不終而以疾辭故當絕其身而已。

辛巳有事于太廟

仲遂卒于垂。仲遂者何。據不稱公子故問之。公子

遂也。自是後無遂卒知公子遂何以不稱公子

據公子季友卒雖加字猶稱公子也。據公至子

傳十六年三月壬申公季友卒是也言雖加字者欲道仲遂亦加字而不稱公子矣。賤

賤。據叔孫得臣卒不賤。即宣五年秋九月叔孫

得臣卒是也何氏云不賤者知公子遂欲弒君為人

臣知賊而不言明當誅然則得臣與遂同罪而或或

或否故為弒子赤賤然則曷為不於其弒焉賤。據

翬終隱之篇賤欲使於文十八年子赤卒年中賤

以下伐鄭傳云翬何以不稱公子賤曷為賤與弒公

也十年夏翬帥師會齊人鄭人伐宋傳云此公子翬

也何以不稱公子賤曷為賤隱之罪人也故終隱之

是篇也。於文則無罪於子則無年。此解十八年秋

公羊疏卷之十一

三

文公無罪於子赤也卒乃貶者元年逆女嫌為喪娶
 貶也公會平州下如齊也嫌公遂如齊嫌坐乃復貶
 也貶加字者起嬰齊所氏明為歸父後大宗不得絕
 也地者絕外卒明當有卒外禮也日者不去樂也書
 有事者為不去樂張本

連。編必。元年逆至貶也

公子遂如齊逆女彼注云嫌觸諱不成其文也是也
 公會至公遂。解云即元年經云夏公會齊侯
 于平州公子遂如齊是也若不齊嫌坐乃復貶也。解云
 文承公會於平州之下嫌謂公遂如齊非公子遂是
 以不得去公子矣。如齊嫌坐乃復貶也。解云
 公子舉助桓篡弒入篇即不貶見其無罪於桓公今
 此公子遂助宣篡弒而於宣貶者正以於子赤則
 年遂之罪重不得令免會須貶之諸見之也悉

至絕也。解云成十五年三月乙巳仲嬰齊卒
 仲嬰齊者何公孫嬰齊也公孫嬰齊則曷為謂之
 嬰齊為兄後也為兄後則曷為謂之仲嬰齊為人後
 者為之子也注云更為公孫之子故不得復氏公孫
 傳文云為人後者為其子則其稱仲何使于晉而
 為氏也然則嬰齊孰後後歸父也歸父使于晉而
 反何以後之注云据已絕也傳云叔仲惠伯傳子赤
 者也文公死子幼公子遂謂叔仲惠伯曰君幼如之
 何願與子慮之叔仲惠伯曰吾子相之老夫抱之何
 幼君之有公子遂知其不可與謀退而殺叔仲惠伯
 弒子赤而立宣公宣公死成於幼臧宣叔者相也君
 死不哭聚諸大夫而問焉曰昔者叔仲惠伯之事
 為之諸大夫雜然曰仲氏也其然乎於是遣歸父之
 家注云時見君幼欲以防示諸大夫然後哭君歸父
 使乎晉還自晉至裡聞君薨家遣殯帷哭君成踊反
 命于介自是走之齊魯人徐傷歸父之無後也注云
 徐者皆共之辭也關東語傷其先人為惡身見逐

不忿懟也於是使嬰齊後之也注云弟無後兄之義
 為亂昭穆之序失父子之親故不言仲孫明不與子
 為父為父孫是也然遂既被貶而加字者欲起成十
 五年仲嬰齊以仲為氏故也嬰齊者仲遂之子宜稱
 公孫而氏仲者明為其兄公孫歸父之後不得氏公
 孫故氏仲矣所以弟為兄後者正以大宗不得絕故
 也。地者至禮也。解云欲道公子季友之文皆
 不地此言於垂者正以卒於外故也所以卒於外則
 地之者明其當有卒於外之禮故也。日者不去
 樂也。解云正以春秋之例失禮鬼神例日故也。即
 是得時不書之例而書之者為下不去樂張本故也
 而言有事者約不合書是以但言有事為下張本而
 已似若文二年注云不言吉裕者就不三年不復
 略為下張本而巳之類

壬午猶繹萬金委備繹者何祭之明日也

昨日事但不灌地降神爾天子諸侯曰繹大夫曰

尸士曰宴尸夫事之殺也必繹者尸屬昨日配先祖

食不忍輒忘故因以復祭禮則無有誤敬慎之至殷

曰彤周曰繹繹者据今日道昨日不收斥尊言之文

意也彤者彤彤不絕据昨日道今日斥尊言之質意

也祭必有尸者節神也禮天子以卿為尸諸侯以大

夫為尸卿大夫以下以孫為尸夏立尸殷坐尸周旅

酬六尸。屬音燭。繹者何。解云欲言是祭去祔

不知問。禮繹至神爾。解云正以釋天云釋又

祭也孫氏云祭之明日尋繹復祭故言繼昨日事正

以昨日祭已灌地降神是以今日釋主為尸作何
 為灌乎故云但不灌地降神爾。因天子諸侯至宴
 尸。解云春秋說文也稍得言名釋在正祭之後故
 曰去事之殺也。因則無有誤。解云畏蠶先君之
 尸而為之設祭則無有過誤也。因殷曰彤周曰釋
 之。解云釋天文案郭氏爾雅其下文仍有夏曰復昨
 不引之復昨郭氏云未見義所出也。因釋者至意
 也。解云祭尊于釋欲道今日所尋釋乃是昨日之
 正祭故云據今日道昨日不敢斥尊乃是尊正之義
 故曰文意也。因形者至神也。解云正由昨日正
 祭是以今日作又祭相因而絕形然故曰據昨日正
 日道今日乃是迫近而不尊故曰實意也。因禮天
 子至孫為尸。解云何氏差約古禮也天章不使公
 諸侯不使卿皆為其疑也卿大夫已下以孫為尸以
 其昭穆同也。因夏立至六尸。解云即禮器云
 坐尸注云言此亦周所因於殷也夏立尸而卒祭
 云夏禮尸有事乃坐殷坐尸注云無事猶坐周

六尸注云使之相酌也后稷之尸發爵不受旅酌子
 曰周禮其猶釀與注云斂錢飲酒為釀旅酬相酌以
 之萬者何干舞也。因干謂楮也能為人扞難而不使
 害人故聖王貴之以為武樂萬者其篇名武王以萬

人服天下民樂之故名之云爾。扞食允反。何萬者
 解云欲言其樂文無樂名欲言非樂祭祀用之故執
 不知問。因武王至云爾。解云春秋說文昔武王
 一會八伯諸侯人數豈止萬而何籥舞也。因籥
 已蓋以萬是摠名故據以言耳籥者何籥舞也。因籥

所吹以節舞也吹籥而舞文樂之長。因籥者何。解
 籥是樂名欲言是樂臨祭其去故執不知問。因吹
 籥而舞文樂之長。解云正以萬是武樂入而用之

而籥特其言萬入去籥何。因籥入者不言萬去樂不
 備矣。

其言萬入去籥何。因籥入者不言萬去樂不
 備矣。

言名疏去樂不言名。解云即昭十五年二月癸酉有事于武宮籥入叔弓卒去樂卒事是也

去其有聲者疏不欲令人聞之也廢其無聲者疏廢

置也置者不去也齊人語存其心焉爾存其心焉爾

者何知其不可而為之也疏明其心猶存於樂知其

不可故去其有聲者而為之疏存其心焉爾者何。

而有去籥之文欲道存心于股猶者何通可以已也

肱而釋萬不廢故執不知問禮大夫死為廢一時之祭有事于廟而聞之者去

樂卒事而聞之者廢釋曰者起明日也言入者据去

奏去籥特書凡祭自三年喪已下各以日月廢時

唯郊社越紼而行事可疏猶者何。解云欲言

正祭之明日故執不知問。禮大夫至之祭。解云

正以正祭為吉事故也。疏有事至去樂。解云即

昭十五年二月癸酉有事于武宮籥入叔弓卒去樂

卒事傳云其言去樂卒事何禮也君有事于廟聞大

夫之喪去樂注云思痛不忍舉。疏卒事至日也。

解云即檀弓下篇云仲遂卒于垂。至午猶釋萬入去

籥。仲尼曰非禮也。卿卒不釋是也。疏言入至時書

凡祭至事可。解云即王制曰喪三年不祭唯祭天

地社稷為越紼而行事。鄭注云不敢以卑廢尊。越猶

戊子夫人熊氏薨

晉師白狄伐秦

躡也。紼輔車索是也。

楚人滅舒蓼

秋七月甲子日有食之既注是後楚莊王圍宋折骸易

子伐鄭勝晉鄭伯肉袒晉人敗於邲中國精奪屈服

強楚之應注是後至易子。解云圍宋是也言折骸易

子者即十五年傳云易子而食之折骸而炊之是也

○注伐鄭勝晉。解云即下九年冬楚子伐鄭晉師

缺帥師救鄭十年夏晉人宋人衛人曹人伐鄭冬楚

子伐鄭十一年夏楚子陳侯鄭伯盟于辰陵注云不

日月者莊王行霸約諸侯明王法討徵舒善其憂

國故為信辭然則比年之間晉楚爭共伐鄭鄭伯

服于楚盟于辰陵楚勝于晉居然明矣故云伐鄭

晉也。鄭伯肉袒。解云即下十二年春楚子圍

鄭伯肉袒左執茅旌右執鸞刀以逆莊王是也。

晉大敗于邲。解云即下十二年夏晉荀林父帥

及楚子戰于邲晉師敗績。中國精奪。解云

以日者太陽之精諸夏之象今而被食故曰中國精

奪

冬十月己丑葬我小君頃熊兩不克葬庚寅日中而克

葬傳頃熊者何宣公之母也注熊氏楚女宣公即僖

公妾子音傾頃熊者何。解云欲言是妾卒葬備

而者何難也乃者何注謂問定公曰下具乃克葬

而者何。解云魯公夫人薨葬多矣此獨言故執不

知問。謂問定公曰下具乃克葬。解云即是十

五年九月丁巳葬我若定公兩不克葬戊午日下具

乃克葬是也然則言乃之經不干此事而於此問之

者正以葬時遇雨廢葬而難也禮卜葬從遠日不

克葬見難者臣子重難不得以正日葬其君

疏

葬從卜

遠日。解云即曲禮上篇云喪事先遠日鄭注云喪

事葬與練祥也左氏傳云禮卜葬先遠日辟不懷也

舊典之曷為或言而或言乃乃難乎而也

語

言乃者

內而深言而者外而淺下是日昧久故言乃孔子曰

其為之也難言之得無訛乎皆所以起孝子之情也

兩不克葬者為不得行葬禮孔子曰生事之以禮死

葬之以禮祭之以禮故不得行禮則不葬也魯錄兩

不克葬者恩錄內尤深也別朝莫審明見日乃葬也

。訛音刃

疏

孔子至訛平。解云論語文引之

不得正日雖言重難亦須訛而葬之。

子之情也。解云謂春秋言而者所以起見也

子之情重難有淺深故也。魯魯至深也。解云

敬道外諸侯葬多矣而無不克之文者以其恩淺也

。通別朝至葬也。解云謂日

中與吳然則朝莫猶早晚也

城平陽

楚師伐陳

九年春王正月公如齊

使齊歸濟西田不就十年月者五年再朝近得正孔

子曰知和而和不以禮節之亦不可行也明難事人

皆當合禮

疏

人歸我濟西田是也。解云即下十年春齊

人歸我濟西田是也。

不

不

年。解云何氏之意以為春秋之道祖述堯舜天子五年
即位比年使大夫小聘三年使天子是以桓元年注故
大夫小聘五年一朝是也然則諸侯自相朝雖文不
著若欲以朝亦不過是也宣公五年春公如齊今九
年春又如齊乃五年之內不得正盡五年故曰近得
正言近者不正是之辭也雖不正是近合於禮是以
春秋此年書月以見善宣公至十年公復如齊是為
大數唯近取齊西田之文亦不得見善
故言不就十年月者五年再朝近得正

公至自齊

夏仲孫蔑如京師

齊侯伐萊

秋取根牟魯根牟者何邾婁之邑也曷為不繫乎邾

詒 詒也

詒疾也屬有小君之喪邾婁子來加禮未

期而取其邑故諱不繫邾婁也上有小君喪而下諱

取之則邾婁加禮明矣未期年從加禮數者猶王子

虎從會葬數

未期音基反

是國經典未有欲言非

國文無所繫故執不知問。邾屬有小君之喪。解

云即上八年夏夫人熊氏薨是也。邾邾婁子來加

禮。解云謂上八年冬十月葬頃熊之時邾婁子使

人來加禮但例不書之故不見也。邾未期至也

。解云去去年十月來加禮今年七月而取邑故言未

期也加禮者或是贈襚之屬皆是葬前之事而要繫

會葬言之言未期者欲取諱也必知過

邾婁注云邾婁子新來奔喪伐之不諱者朝外恩殺

三

輕明當與根年有差是也。○未期年至葬數。○解云此文欲取未期之義而從加禮數之若取葬之則過於期矣若以信三十三年冬十二月公薨于小寢文元年天王使叔服來會葬夏四月葬我君信文大夫也外大夫不卒此何以卒新使乎我也注云王子虎即叔服也新為王者使來會葬在葬後三年中卒君子恩隆於親親則加報之故卒明當有恩禮也然則王子虎之卒在文三年夏若數來會葬之時則在三年之內若數公卒時四年矣與此相似故猶之

八月滕子卒

九月晉侯宋公衛侯鄭伯曹伯會于亳

晉荀林父帥師伐陳

辛酉晉侯黑臀卒于亳傳亳者何晉之邑也諸侯卒其

封內不地此何以地註

註據陳侯鮑卒不地

疏

疏若言晉地不應書之欲道外地文無所繫故執不知

問。○註據陳侯鮑卒不地。○解云相五年春正月甲戌己丑陳侯鮑卒傳云曷為以二日卒之愆也甲戌之日亡己丑之日死而得君子疑焉故以二日卒之也是其卒於封內卒于會故地也註起時衰多窮厄不書地故難之

伐喪而卒於諸侯會上故地危之未出其地故不言

會也註

註左右皆臣民雖卒於會上危愈於竟外故不

復著言會也出外死有輕重死於師尤甚於會次之

於人國次之於封內最輕不書葬者故纂也

疏

疏外死

至最輕。○解云時衰多窮厄伐喪師者用兵之處而君死焉故言于師著其危甚即襄十八年曹伯負芻

卒于師是也是以僖四年夏許男新臣率何氏云不言卒於師者桓公師無危是其義也云於會次之者與入交接之處或相劫詐未可知若柯之盟曹子切桓公之類是也而君卒焉故言次之即定四年夏紀伯戊卒于會是也云於人國次之者正以時多背死向生而君卒於竟外似有掩襲之理但於主國有賓客之道是故又以爲次矣即襄二十六年秋許男甯卒于楚之屬是也云於封內最輕者正以左右皆民臣危少於竟外是以不言於會矣但有外國之人亦有危理故書其地即此文書晉侯黑臀卒於扈是也若不聚會直卒於封內者仍自不地即陳侯鮑卒是也若然昭十三年夏四月楚公子比自晉歸于楚弒其君虔于乾谿不書人會而書地者彼注云封內地者起禍所由因以爲戒是也而云起禍所由者案彼傳云靈王爲無道作乾谿之臺三年不成楚公子靈疾脅此而立之然後令于乾谿之役曰此已立矣後歸者不得復其用一里衆罷而去之靈王經而死是致禍之由也

冬十月癸酉衛侯鄭卒



不書葬者殺公子瑕也



書葬至瑕也。解一云即僖三十年秋衛殺其大夫元咺及公子瑕也不言殺元咺元咺有罪云云已說于上

宋人圍滕

楚子伐鄭

晉卻缺帥師救鄭

陳殺其大夫泄台

公羊注卷之二

三十一

宋入圍穀

穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

晉侯黑臀卒於莒是也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

公羊疏卷十五 穀者其地也此文書晉侯黑臀卒於莒是也

